

KWA NINI ILIBIDI IWE NI

MCHUNGAJI WA KONDOD

¶ . . . Nadhani, kwa namna fulani mimi ni mhubiri wa maneno mengi ya kuchosha. Na bila ya elimu, na—nadhani sisikiki sana kama mhubiri kwa watu wengine. Na—na hata sidai kuwa mhubiri, kwa namna fulani mimi ni tairi ya spea. Lakini ninajisikia ya kwamba nina Ujumbe kutoka kwa Mungu, ambao kwa njia yangu (hiyo ndiyo njia tu niliyo nayo ya kuuelezea), ninajaribu kuuelezea ulimwengu. Na kama sikukaa na Ujumbe huo, ningekuwa msaliti kwa Mungu na mnafiki kwenu. Mtu ambaye atasema jambo moja na kuamini lingine, ni unafiki. Lazima tuzungumze kweli kutoka moyoni mwetu siku zote. Ili kwamba watu wanapotuangalia, hata ingawa hawakubaliani nasi, tunataka kuwa wanaume na wanawake wenyewe heshima: kwamba tunazungumza kutoka moyoni mwetu, lile lililo kweli miyoni mwetu.

² Mwaka jana, ama mwaka mmoja kabla ya mwaka uliopita, nilikuwa na majaliwa ya kuhubiri M—Mkristo . . . ama samahani, ujumbe wa Krismasi, hapa Ramada. Nami ninaamini nilizungumza juu ya somo, ama hapa au huko Phoenix, juu ya: *Kwa Nini Bethlehemu Mdogo?* Nami ninaamini basi ilikuwa ni hapa, mwaka uliopita, nilizungumza juu ya: *Tumeiona Nyota Yake Mashariki na Tumeku Kumuwabudu.*

³ Na, unajua, tunasoma Biblia, nasi tunashangaa, hizo “*Kwa Nini?*” Na usiku wa leo nilifikiri, kama mngeweza kunivumilia kidogo, na kuomba pamoja na mimi, ningejaribu kuwapa ninyi ujumbe wangu wa Krismasi. Mungu ndiye tu anayejua mahali tutakapokuwa Krismasi ijayo, kama kuna Krismasi nytingine baada ya hii. Kwa hiyo kwa kuwa huenda hii ikawa ndiyo Krismasi ya mwisho tutakayoketi pamoja, mpaka tutakapoketi kwenye meza nytingine. Wala haitakuwa ni moja ya aina hii, bali itakuwa ni wakati tutakapokula na kunywa ushirika upya pamoja Naye, katika Ufalme wa Baba mwishoni mwa safari. Halafu basi, hebu na tuliedee usiku wa leo kama kwamba huu ulikuwa ndio ujumbe wa mwisho wa Krismasi tutakaowahi kuketi pamoja, katika kina cha uaminifu.

⁴ Ninataka kuzungumza usiku wa leo juu ya somo lisilo la kawaida, lakini wakati mwengine unampata Mungu katika mambo yasiyo ya kawaida. Yeye hufanya mambo katika njia isiyo ya kawaida. Si kwa njia ya kawaida, ni njia isiyo ya kawaida, nyakati zisizo za kawaida, mazingira yasiyo ya kawaida, Yeye si wa kawaida. Nami ninataka jambo hili . . .

Bwana akipenda, ninataka kuzungumza juu ya somo: *Kwa Nini Ilibidi Iwe Ni Mchungaji Wa Kondoo.*

⁵ Na sasa kabla tu hatujaliendea Neno, ambalo ninaamini ni Mungu, “Hapo mwanzo kulikuwako Neno, naye Neno alikuwako kwa Mungu, naye Neno alikuwa Mungu. Naye Neno alifanyika mwili akakaa mionganoni mwetu.”

⁶ Kama nilivyosema, juma lililopita, ama juma lilitangulia lililopita huko Phoenix, “Imethibitika ya kwamba kuna wakazi wa dunia hii, watu, wanaopita kwenye jengo hili sasa.” Televisheni inathibitisha jambo hilo. Liko kwenye kiwango kingine, macho yetu ya kawaida na hisi zetu tano haziwezi kunasa jambo hilo. Si kwamba televisheni hutengeneza chocote, inazipitisha tu. Huwezi kusogezza kidole chako, huwezi kupepesa jicho lako, bali imethibitika jambo hilo limerekodiwa milele. Huenda nikawa nimesimama... Ama mtu huko Australia, angekuwa na skrini ya te—televisheni hapa, si hilo tu bali m—mtu huyo angeweza kuzungumza, kusogezza kidole chake, kupepesa jicho lake, ama hata rangi ya nguo anazovaa, zingeonyeshwa hapa ukutani; naye akiwa Afrika, Australia, kote ulimwenguni. Mnaona, kuna duara ya mawimbi ya anga za juu. Siwezi kuelezea jambo hilo, ila ninajua liko. Sidhani mtu yeyote kweli angeweza kulielezea. Kwa hiyo, televisheni inaweza kuyavuta haya ndani na kuyafanya halisi kwa kutumia vyombo fulani, ambapo wangeweza kuyaakisi ukutani.

⁷ Sasa, kitu hicho hicho kilikuwa hapa wakati Adamu alipokuwa hapa. Televisheni ilikuwa hapa wakati—wakati Eliya alipoketi juu ya Mlima Karmeli. Ilikuwa hapa wakati Martin Luther, yule kasisi kijana, alipoutupa ushirika sakafuni na kusema, “Ni mkate mwembamba! Na wenye haki wataishi kwa imani.” Ilikuwa hapa wakati huo, bali ndiyo kwanza tunaiona hivi sasa. Na pia ni kweli kwamba, Mungu yuko kati yetu usiku wa leo, Malaika, viumbi vyta kimbinguni visivyoonekana kwa macho yetu ya kawaida. Bali siku moja itakuwa ni dhahiri tu kama televisheni ilivyo sasa, na liwe ni jambo la kawaida vivyo hivyo. Sasa, hiyo ndiyo sababu ninaamini Neno.

⁸ Yesu alisema, “Mtu atakayeongeza neno moja kwenye Biblia hii, au kuondoa Neno moja kutoka Kwake, ataondolewa sehemu yake kutoka katika Kitabu cha Uzima.”

⁹ Kwa hiyo, hebu basi na tuinamishe vichwa vyetu, kabla hata hatujaisoma. Kwa uchaji sana! Mtu yeyote aliye na nguvu za kimwili angeweza kufungua ukurasa, bali Mungu tu ndiye anayeweza kuyafunua.

¹⁰ Na huku vichwa vyetu vimeinamishwa sasa kuelekea kwenye mavumbi ambako tulitolewa, na siku moja tutarudi, sijui... Na katika muda huu wa uchaji, tunapokaribia Krismasi, kama kukiwako na wengine hapa ambao kweli wanajisikia

hawastahili na wanetaka kukumbukwa katika maombi haya, mngeweza (bila kuinua kichwa chako) inueni tu mikono yako kwa Mungu na kusema, “Nikumbuke, Bwana, Krismasi hii”? Mungu awabariki.

¹¹ Baba wa Mbinguni aliye Mtakatifu sana na Mwenye Neema, Mwenyezi Mungu, Yeye aliye kujiwako tangu mwanzo, kabla hakujakuwako na nyota, wala atomi, wala molekuli. Ulifanya vitu vyote kwa Yesu Kristo Mwanao, na umetupa vitu vyote bure katika Yeye. Tunakushukuru, usiku wa leo, Bwana, kwa ajili ya nafasi hii ambayo umetupa sisi kukusanyika pamoja, kuonywa na kufundishwa na Roho Mtakatifu. Na Roho Mtakatifu huchukua maneno Yako na kutufunulia sisi, kwa kuwa Yesu alisema, “Wakati Yeye Roho wa Kweli atakapokuja, atawakumbusha mambo haya ambayo nimesema na pia atawaonyesha mambo yajayo.”

¹² Mungu, hakuna hata mmoja mionganoni mwetu, wala hakuna mtu juu ya nchi, ambaye anastahili kujaribu kulitafsiri Neno Lako, kwa kuwa imeandikwa ya kwamba, “Neno la Mungu si la kufasiriwa apendavyo mtu mwenyewe.” Kwa hiyo, Bwana, tunaomba ya kwamba Roho Mtakatifu atatupa usiku wa leo, sote na kila mmoja, sehemu tunayohitaji kuridhisha ile njaa iliyo moyoni mwetu kwa ajili ya kutembea karibu na Wewe zaidi. Sisi hatufai, tu wachafu, hatushahili. Jalia Mtoto aliyezaliwa Bethlehemu, aliyeishi maisha makamilifu halisi, naye alikuwa ndiye mtu pekee aliye mkamilifu juu ya nchi, na akajitoa Mwenyewe kafara apate kutuosha sisi wenye dhambi wachafu na kutuleta katika uhusiano na Baba, jalia usiku wa leo ya kwamba Roho Wake Mtakatifu (kupitia kuhubiriwa kwa Neno) atafanya jambo hilo kwa ajili yetu.

¹³ Bwana Mungu, kuna wengi walio wagonjwa nchini leo, licha ya kuwako na dawa zilizo bora sana tulizowahi kutibiwa nazo, na dawa zilizo bora sana na hospitali zilizo bora sana. Na hata hivyo katika uvumbuzi wetu wote wa kisayansi, hata hivyo kuna maradhi mengi kuliko ulimwengu ulivyowahi kujua, kwa kuwa kuna dhambi zaidi na kutokuamini kuliko ulimwengu ulivyowahi kujua. Tusaidie usiku huu, Tabibu Mkuu, na uwaponye wagonjwa walio mionganoni mwetu.

¹⁴ Na utupe Roho, Roho wa kweli wa Krismasi. Wakati leo... kwamba wakati ambapo sherehe za kipagani, miti ya Krismasi inaabudiwa, hadithi za uongo za m—mtu anayeitwa Baba Krismasi, na sungura wetu wa Pasaka, na mitindo mbalimbali ambayo ulimwengu wa kibashara umeitumia kwa faida yao, jalia iwekwe kando, Mungu. Jalia tuingie katika Kristo Neno, kwa kuwa tuliomba katika Jina Lake na kwa ajili ya utukufu Wake. Amina.

¹⁵ Kama mtafungua pamoja nami tusome Maandiko Matakatifu, Luka Mtakatifu, mlango wa 2. Mnaweza kunisikia vizuri?

Je! kuna badiliko katika maikrofoni? Mnaweza kunisikia vizuri huko nyuma? Kama unaweza kunisikia vizuri, inua mkono wako. Asante. Mlango wa 2 wa Injili ya Luka Mtakatifu.

Siku zile amri ilitoka kwa Kaisari Augusto ya kwamba iandikwe orodha ya majina ya watu wote wa ulimwengu.

(Orodha hii ndiyo ya kwanza iliyojulikana...hapo alipokuwa liwali wa Shamu.)

Watu wote wakaenda kuandikwa, kila mtu nchini mwake.

Yusufu naye aliondoka Galilaya, akaingia mji wa Nazareti, akapanda kwenda Uyahudi...mpaka mji wa Daudi, uitwao Bethlehemu, kwa kuwa yeye ni wa mbari na jamaa ya Daudi;

Ili aandikwe pamoja na Mariamu mkewe, ambaye amemposa, naye ana mimba.

Ikawa, katika kukaa huko, siku zake za kuzaa zikatimia,

Akamzaa mwanawе, kifungua mimba, akamvika nguo za kitoto, akamlaza katika hori ya kulia ng'ombe, kwa sababu hawakupata nafasi katika nyumba ya wageni.

Na katika nchi ile ile walikuwako wachungaji wakikaa makondeni na kulinda kundi lao kwa zamu usiku.

Malaika wa Bwana akawatokea ghafula, utukufu wa Bwana ukawang'aria pande zote, wakaingiwa na hofu kuu.

Malaika akawaambia, Msio gope; kwa kuwa... ninawaletea habari njema ya furaha kuu itakayokuwa kwa watu wote;

Maana leo katika mji wa Daudi amezaliwa, kwa ajili yenu, Mwokozi, ndiye Kristo Bwana.

Na hii ndiyo ishara kwenu; mtamkuta mtoto mchanga amevikwa nguo za kitoto, amelala katika hori ya kulia ng'ombe.

Mara walikuwapo nanii... Mara waliku-...pamoja na huyo malaika, wingi wa...jeshi la mbinguni, wakimsifu Mungu, na kusema,

Atukuzwe Mungu juu mbinguni, na duniani iwe amani kwa watu aliowaridhia.

Ikawa, malaika hao walipoondoka kwenda zao mbinguni, wale wachungaji waliambiana, Haya, na twendeni mpaka Bethlehemu, tukalione hilo lililofanyika, alilotujulisha Bwana.

Wakaenda kwa haraka wakamkuta Mariamu na Yusufu, na yule mtoto mchanga amelala horini.

Walipomwona wakatoa habari waliyoambiwa juu ya huyo mtoto.

Wote waliosikia wakastaajabu kwa hayo waliyoambiwa na wachungaji.

Lakini Mariamu akayaweka maneno hayo yote, akiyafikiri moyoni mwake.

Wale wachungaji wakarudi, huku wanamtukuza Mungu na kumsifu kwa mambo yote waliyosikia na kuyaona, kama walivyoambiwa.

Bwana na aongeze baraka Zake kwenye kusomwa kwa Neno Lake.

¹⁶ Sasa, ni ninii...Kwa nini tukio hili kubwa lilifunuliwa kwa wachungaji? Hilo kwa namna fulani lingekuwa ni jambo la kushangaza sana kwetu. Nina baadhi ya Maandiko yaliyoandikwa hapa, na mihtasari michache nitakayojaribu kuiptia haraka, kuwaelezea *ni kwa nini* vizuri nijuavyo. Na labda basi baada ya jambo hili, kwamba Bwana kwa neema Yake, usiku wa leo, ataondoaa hizi *ni kwa nini* kutoka kwetu. Lakini je!... Wengi wetu sote, nadhani, wakati mmoja au mwiningine, tumeshangaa ni kwa nini kwamba tukio hili lililo kuu sana la wakati wote lilifunuliwa kwa wachungaji. Ni kwa nini lilifunuliwa kwa wachungaji wala si kwa wanatheolojia wa siku ile? Wao ndio waliokuwa wamefunzwa kulisikia. Na ni kwa nini lilikuja na kuwapita matajiri, na kuwajia maskini? Pia, ni kwa nini liliwapita wenye elimu na wenye hekima, na kuwajia walio wanyenyekevu na wasio na elimu? Hayo hapo maswali machache ya *ni kwa nini* katika jambo hili.

¹⁷ Na sababu nyiningine huenda nikasema, angalieni, mtoto huyo mchanga alizaliwa Bethlehemu. Ambapo Bethlehemu katika fasiri ya Kiebrania, kama tulivyokuwa nalo miaka michache iliopita hapa, *Bethlehemu* maana yake ni “nyumba ya mkate wa Mungu.” Nasi tulithibitisha katika Maandiko, Yeye asingeweza kuja mahali pengine popote. Bethlehemu ulianzishwa na Rahabu na nanii wake—mumewe. Rahabu alikuwa ni kahaba ambaye aliposwa na jemadari mmoja, kutoka kwenye jeshi la—la Israeli, wakiisha kuiteka Yeriko. Na kwa imani aliamini Ujumbe wa Mungu, katika hali aliyokuwa nayo, naye akaokolewa. Na kutoka huko, wakati Yoshua alipoigawanya nchi juu ya mahali ambapo kila mmoja angekuwa,...

¹⁸ Na kuna somo kubwa ambalo wakati mmoja ninataka kuleta Tucson, juu ya hao mama wa Kiebrania walipokuwa wakiwazaa hao watoto wachanga. Wakati alipougua katika utungu wa kuzaa mtoto mchanga, aliita jina la mtoto huyo mchanga na hiyo ikamweka mahali pake katika nchi ya ahadi, kabilia lake. Jambo kubwa, Neno lote la Mungu huafikiana moja kwa moja.

Lisipoafikiana, Neno la Mungu silo lisiloafikiana, mawazo yako ndiyo ambayo hayaafikiani na Neno. Lote huafikiana.

¹⁹ Kwa hiyo, basi, Yeye alikuwa ni Mkate wa Uzima, kama tulivyofundisha juma lililopita huko Phoenix, ama juma lililotangulia lililopita. Na akiwa ni Mkate wa Uzima, Yeye asingekuja mahali pengine popote ila kwenye “nyumba ya mkate wa Mungu.” Na hiyo ndiyo iliyokuwa ile ni *kwa nini*. Sasa, hapa, Yesu amezaliwa Bethlehemu, na katika Bethlehemu kulikuwa na sinagogi, viongozi wakuu wa dini waliishi Bethlehemu. Daudi yule mfalme-mchungaji mkuu alizaliwa Bethlehemu, baba yake Yese alizaliwa Bethlehemu, babu yake Obedi alizaliwa Bethlehemu. Pia, huko nyuma kabisa, yeye alitoka Bethlehemu.

²⁰ Na hapa, Yesu Mwana wa Daudi amezaliwa Bethlehemu, moja kwa moja chini ya vivuli vya makanisa makuu. Basi kama hao watu wamefunzwa, nao walikuwa wakimtzamia Masihi kwa miaka hii yote; miaka elfu nne, Masihi alikuwa ametabiriwa kuja. Na basi kama Masihi akizaliwa katika kivuli cha kanisa kuu, kwa nini iliwabidi kurudi moja kwa moja wakaingia milimani kwa kundi la wachungaji wasio na elimu na wasiofunzwa, kuleta Ujumbe huu mkuu, Ujumbe wa kwanza? Na kuwaagiza wachungaji! Si wenye hekima na waliofunzwa, bali wachungaji. Ni jambo la ajabu, sivyo? Lakini hakuna budi kuwe na *sababu* mahali fulani... Kuna *sababu* fulani, sasa kunapaswa kuwe na jibu ni kwa nini! Wala hakuna mtu anayejua jawabu ila Mungu. Yeye Ndiye anayejua jibu lake.

²¹ Sasa, kumbukeni, Masihi alikuwa tayari yuko mjini, amezaliwa mjini, katika hori la ng’ombe; moja kwa moja karibu na makanisa makuu ambako kuhani mkuu...na makuhani adhimu, na wanatheolojia, na wenye hekima, na waliofunzwa, wote walikuwa kule wakimngojea Masihi. Naye huyo hapo, moja kwa moja mionganii mwao! Lakini basi ni kwa nini wakaenda kwa nanii...huko juu ya milima ya Yuda kwa wasio na elimu, wasiofunzwa, wasiostaarabika, maskini kuliko maskini wote? Ilioneckana kana kwamba ni mtu asiyestahili kazi kama hiyo kabisa, kuwafunulia Ujumbe na kuwatuma wakaulete Ujumbe huo.

²² Unajua maoni yangu? Huenda yasifae kitu, bali nataka kutoa maoni yangu: ninaamini ni kwa sababu ya hekima ya Mungu, kwamba Yeye alijua wasingeupokea Ujumbe kama huo jinsi ulivyokuja. Haukuwa katika ladha ya masomo yao. Ulikuwa ni tofauti. Haukuwa vile walivyofunzwa kuamini Yeye vile ambavyo angekuwa. Ulikuwa ni kinyume cha ufahamu wao wa kitheolojia. Na kufunzwa kwao kote, elimu yao yote ilivukwa, ikawa bure. Ninaamini likuwa ni hekima ya Mungu iliyojua ya kwamba wasingeupokea Ujumbe kama huo.

²³ Kwa hiyo Masihi alikuwa yupo hapa, na lazima kuwe na mtu fulani atakayetambua jambo Hilo. Na Yeye aliwajua wale ambaao hawakuwa wamechanganyika katika upuuzi kama huo.

Angekuwa anaweza hata na zaidi kuupeleka ujumbe Wake kwa kundi lisilo na elimu, kuliko vile angaliweza kwa kundi lililochanganyikiwa ambalo lilikuwa limeshika njia za mwelekeo mkali hata hakuna kitu kingaliweza kuwageuza, si hata Neno la Mungu.

²⁴ Na sasa, rafiki Mkristo, hebu niulize swalii hili, kwa uaminifu wote na upendo. Nashangaa tu kama Yeye angetenda tendo lile lile usiku wa leo, na kututumia sisi katika kizazi hiki Neno la ahadi lililoahidiwa kwa ajili ya kizazi hiki, nashangaa kama wanatheolojia wetu, na walimu, na wenye hekima, wasingeukataa Ujumbe huo kama vile tu walivyofanya wakati huo? Mwanadamu habadiliki, wala Neno la Mungu halibadiliki. Yeye ni Mungu asiyebadili, Yeye habadiliki!

²⁵ Angalia, Malaika wakija na... Malaika wakija na kutoa Ujumbe wao kwa watu duni hivyo, wakati kulikuwako na watu kule waliostahili (kwa mawazo ya dunia) kuliko maskini wachungaji hawa, wasiojua kusoma. Mchungaji alikuwa ndiye mjinga kuliko mtu ye yole, haikumbidi kujuja chochote ila kuhusu kondoo wake. Haikumbidi kujuja hesabu. Hakuhitaji kujuja jinsi ya ku—kupasua atomi. Hakuhitaji usomi wowote. Ilimbidi tu kuwajua kondoo wake, hayo tu ndiyo aliyohitaji kujuja. Na Mungu, ile Hekima kuu, na Chemchemi na chanzo cha hekima yote, angemchagua mtu kama huyo (watu, hasa, kama hao), na kuwaruka wasomi wote waliofunzwa vizuri waliofunzwa kujuja jambo Hilo. Inaonyesha jambo moja, ya kwamba waliofunzwa katika fani isiyofaa. Akiwapita watu wote mashuhuri wa nchi hiyo; kulikuwa na watu wa maana, walimu mashuhuri, akina kuhani mkuu Kayafa, watu wengine wengi mashuhuri, Waisraeli wote wenye elimu nydingi, madhehebu yote, na wanatheolojia wote wenye kujigamba, Mungu alimpita kila mmoja wao! Sasa, hiyo ni hekima ya Mungu.

²⁶ Angalia, Mbingu zilizo Juu Sana zikifanya hima kufika kuwaheshimu watu wanyenyekevu sana na wasio na elimu sana duniani. Aliye Juu Sana wa Mbinguni alishuka kujitambulisha kwa walio duni sana wa dunia, akiwapita wote walio katikati apate kujitambulisha kwa wachungaji wa kawaida; akija kuwapa hawa wachungaji wa kawaida Ujumbe ulio mkuu sana wa nyakati zote. Kulikuwako huko nyuma na wajumbe wengi wakuu. Tungewazia juu ya siku ya Nuhu, na hao manabii, na—na makuhani adhimu, na kadhalika, walikuwako katika siku zilizopita. Watu mashuhuri walio na elimu, wafalme, viongozi wakuu, watawala, bali Huyu hapa anakuja akiwa na Ujumbe mkuu kuliko jumbe zingine zote. Ujumbe huo ulikuwa ni upi? "Masihi yupo hapa sasa!" Mnaona? Na kufanya jambo hilo lijilikane, Yeye aliwapita wote waliofunzwa, apate kuwafahamisha wachungaji wanyenyekevu.

²⁷ Wazia jambo hilo: makasisi wote, watu wote wa kanisa, walimu wote, mafundisho yote ya the—theolojia, fedha zote

zilizokuwa zimetumiwa, makanisa yote, na mafundisho, na madhehebu, yote yalipitwa! Elimu yote waliyokuwa wametumia juu ya wamishenari wo—wote, na ushawishi wote wa kubadili dini, uanachama wote, na kila kitu walichokuwa wamefanya kumheshimu Mungu, hata hivyo Ujumbe ulio muhimu sana kuliko zote uliwapita. Ajabu! Kwa nini? Mnaona?

²⁸ Pia angalia, si hayo tu, bali mahali pasipotarajiwa kabisa kwa tukio kama hilo. Wachungaji, sasa, ndio walioupokea Ujumbe huo. Na sasa angalia mahali Ujumbe huo ulipokuwa: katika mahali pasipotarajiwa kabisa ambapo mtu ye yote angeutarajia kuja. Nami nashangaa, usiku huu, kama tulikuwa tukiutarajia Ujumbe wa kweli wa Bwana Yesu, nashangaa kama ungekuwa katika kundi lisilotarajiwa, mahali ambapo palikuwa... ambapo ulimwengu mkuu uliostaarabika na kanisa leo lingefikiri lilikuwa ni kundi la-la, loo, wazushi? Nashangaa kama hapo sipo tungempata Yeye? Mahali pasipotarajiwa kabisa, na kwa wahubiri wasiofaa kabisa. Wachungaji hawakujuu chochote kuhusu kuhubiri, ila tu kuwaita kondoo; vema, labda hiyo ndiyo sababu ya Huo kuja.

²⁹ Lakini kulikuwa na Neno lililoahidiwa. Angalia, ingwezekana hilo litendeke tena.

³⁰ Uliwapita malodi wote wa nchi. Uliwapita malodi wote, na ukafunuliwa akina yahe. Malodi wote waliokuwa wametunukiwa nishani za-za daktari wa uungu na-na saikolojia, na-na elimu ya juu, na makanisa makubwa mno na kadhalika, vyote vilipitwa na kufunuliwa akina yahe. Ile hekima, hekima isiyo na kikomo ya Mwenyezi Mungu ilifanya jambo hilo, kuwajulisha Ujumbe ulio mkuu sana uliopata kutokea, “Masihi yupo duniani sasa.” Ni hekima ya jinsi gani! Ingweza tu kutoka kwa Mungu ambaye anajua hekima! Hekima yote na elimu yote, na kila kitu, sasa vilitupiliwa mbali na kupitwa na hekima kuu ya Mungu. Ninaendelea kurudia hilo kwa sababu ninataka likolee kabisa. Yote yalitupiliwa mbali, hayakufaa kitu. Yote yalipitwa kusudi hekima ya Mungu ioneerane wazi, ya kwamba Mungu huchukua akina yahe na kuwafanya watu mashuhuri.

³¹ Tungeweza kuachia hapa na kuzungumza juu ya Yohana. Tungeachia hapa na kuzungumza juu ya Eliya. Hakuna mtu anayejua mahali Eliya alikotoka. Yote wajuayo, yeye alijitokeza tu jukwaani. Manabii kote katika nyakati, hawakuwa watu wa maana. Lakini Mungu alichukua hilo kuninii...na kuyapita ma—maadili ya kanisa, na mafundisho, kufanya...kuonyesha ya kwamba Yeye ni Mungu. Yeye huchukua kitu duni, kufanya kazi nacho. Yeye huonyesha hekima Yake na Uungu Wake kwa kufanya jambo hilo, kwamba Yeye huchukua watu wasio na maana. Wakati alipomfanya mwanadamu kwa mara ya kwanza, Yeye alichukua tu bonge la udongo na kumfanya mwanadamu kutokana na hilo. Ambapo halikuwa kitu ila udongo, bali

alimfanya mtu. Na Mungu huchukua watu wasio na maana sasa, kufanya mambo makubwa fulani nao. Na mradi tunafikiri sisi ni watu wakubwa fulani, basi hatuwezi kutumiwa katika mkono wa Mungu. Inatubidi kuacha yote tuliyojua ama kusoma. [Ndugu Branham anasafisha koo lake—Mh.] (Samahani) Kama yule Paulo Mtakatifu mkuu, alisema ilimbidi kusahau yote aliyopata kujifunza, kusudi amjue Kristo.

³² Elimu yao yote, mafundisho yao yote na kadhalika, yalikuwa yakiwaharibu kabisa. Mwishowe yalmikataa! Elimu ile ile walijokuwa nayo *kwa ajili* Yake, kumwamini Yeye, ilibadilika na kuwa adui Wake mkosoaji mkuu sana, na kumsulubisha!

³³ Je! unajua ya kwamba historia hujirudia yenye mara kwa mara? Ni kweli inayojulikana. Ingeweza kutukia tena moja kwa moja karibu na sisi. “Loo,” unasema, “Laiti ningaliishi wakati huo, . . .” Vema, sasa, kama unataka kujua yale ungalifanya wakati huo, angalia hali yako ya sasa; nawe unaweza kuona yale ungalifanya wakati huo, kwa maana hakika inaonyesha wazi.

³⁴ Walifunzwa kuamini Neno Lake, na halafu wakati Neno Lake lilipothibitishwa mbele ya macho yao, walilikataa Neno lililotabitishwa. Wakati Mungu alipothibitisha yale angefanya, na akasema yale angefanya, na kuthibitisha yale angefanya, ndipo waligeuka na kumwita mtu huyu “pepo mchafu” (ambalo liliwalaani wote). Wazia jambo lililotukia! Wazia ni kitu gani kilichowasababisha; mafunzo yao yaliwafanya wasitambue Neno lile lile lililotanyika mwili kwa siku yao; mafunzo yale yale walijokuwa nayo katika shule zao, wakiwa na walimu walio bora sana.

³⁵ Nawe unasema, “Vema, hatungefanya jambo hilo leo.” Walimu wao walikuwa hodari sana kuliko wetu siku hizi (bora, hasa, kuliko walimu wetu), nao walishindwa. Hawakuwa na madhehebu mia tisa na tisini na sita mbalimbali kama tulivyo nayo siku hizi. Walikuwa na kama matatu hivi. Na katika haya matatu, yafuatilie hayo matatu, wala hakuna moja ya hayo matatu lililotambua jambo Hilo! Inaonyesha tu ya kwamba anachofanya mwanadamu ni upuuzi kwa Mungu. Mnaona?

³⁶ Sasa, walishindwa kutambua jambo Hilo. Sasa . . . Nao watafanya jambo lilo hilo tena.

³⁷ Mwanadamu . . . Nia yake ni nzuri, siku zote ni nzuri. Na mwanadamu kamwe habadilishi mwelekeo wake, habadilishi njia zake sana; ninazungumza juu ya mtu wa ulimwengu. Mwanadamu daima humsifu Mungu, mtu wa kidini, kwa yale aliyofanya, na daima akiwaelekeza watu kwa yale Yeye atakayofanya, halafu anapuuza yale anayofanya! Mnaona? Huyo ni mwanadamu tu, ameumbwa jinsi hiyo, daima amekuwa hivyo. Na ninyi wasomaji wa Biblia usiku wa leo mnajua ya kwamba hiyo ni kulingana na Neno, “ni kweli.” Wao daima humsifu Mungu kwa ajili ya yale amekwisha fanya, wakivumisha yale

atakayofanya, huku wakipuuza yale anayofanya. Hiyo ni tabia tu ya mwanadamu.

³⁸ Sababu ya wao kufanya jambo hili, hao walimu, kwa maoni yangu sasa: walikuwa wamelifasiri Neno, maana wote waliamini katika Masihi ajaye. Israeli wote waliamini jambo hilo, wangali wanaamini leo. Lakini sababu ya kutomtambua *Yeye*, Ujumbe Wake haukuwa unalingana na mawazo yao ya kikanisa. Wao...tafsiri waliyokuwa nayo ya Neno, Masihi kamwe hakujidhihirisha Mwenyewe katika njia waliyokuwa wametafsiri ya kwamba angejidhihirisha. Kwa hiyo, na kwa sababu hiyo, hawakuntambua *Yeye* kwa sababu haikulingana na tafsiri yao. Kama nilivyosema hapo nyuma, na ninasema tena, “Mungu hahitaji mtu ye yote kulifasiri Neno Lake. *Yeye* hujifasiria Mwenyewe.”

³⁹ Sasa, Biblia inasema...Hebu niwathibitishie sasa ya kwamba hiyo ni Kweli. Nabii Isaya, miaka mia saba na kumi na tano kabla jambo hili halijatukia, nabii Isaya alisema, “Bikira atachukua mimba, naye atazaa mtoto.” Hapana shaka ya kwamba kilammoja katika wakati huo alifikiri binti yao angekuwa ndiye mwanamke huyo, kwa maana Isaya alisema jambo hilo. Lakini, unaona, ilikuwa ni miaka mia saba baadaye. Lakini wakati...Mungu hakuhitaji mtu ye yote kulifasiri Neno Lake, wakati atakapofanya jambo hilo, ama jinsi atakavyolifanya. Alisema angelilifanya, Naye akalifanya!

⁴⁰ Mungu aliahidi kwamba *Yeye*...katika Isaya, pia, ninaamini mlango wa 28, kama kifungu cha 18. Na pia katika Yoeli 2:28, ya kwamba katika siku za mwisho, miaka elfu mbili ya mwisho, *Yeye* angemmimina Roho Wake juu ya wote wenye mwili. Alisema, “Wana wenu na binti zenu watatabiri. Vijana wenu wataona maono. Wazee wenu wataota ndoto.” Na mambo ambayo angefanya, Isaya alisema, “Kwa midomo ya watu wageni na kwa lugha nyingine nitasema na watu hawa, na hii ndiyo Raha.” Lakini wasingesikia. Walitikisa-tikisa vichwa vyao na kuipita. *Yeye* alisema, “Meza zote za Mungu zingejaa matapiko, na hakutakuwa na chochote safi.” Na kama hiyo si picha ya Yerusalem, na kanisa la siku ile kwenye kule kuja kwa Masihi, ni picha ile ile leo. Inajirudia tu yenye.

⁴¹ Sasa, Mungu anaposema atafanya jambo fulani, *Yeye* alilifanya. Haidhuru mtu ye yote anawazia nini juu yake, yale mtu ye yote asemayo, Mungu anaponena juu ya jambo fulani, *Yeye* anawajibika kulifasiri Neno hilo Mwenyewe. Na thibitisho Lake la Neno ndilo tafsiri Yake Mwenyewe. Angalia, kuthibitisha Ujumbe Wake wa Masihi. Aliahidi kile Masihi atakachofanya wakati atakapokuja. Na wakati alipokuja...

⁴² Hata wakati wale mamajusi wa mashariki walipokuwa wameangalia chini kusini ya magharibi, kutoka mahali walipokuwa huko Babeli, nao waliona nyota ya fahari. Je! ulijua hakuna hata chembe ndogo ya historia, popote pale, ambapo

chumba chochote cha kuchunguzia (ambako hata waliweka wa—wa—wakati kwa nyota, watu mashuhuri amba walizisoma nyota hizi)... Hakuna historia inayosema ya kwamba ye yote wao aliiona hiyo nyota hata kidogo. Kwa nini? Haikutolewa kwo, hawakuwa wakiitarajia hiyo. Bali hawa mamajusi walijua kungekuwako na Nyota ya Yakobo itakayochomoza, nao walikuwa wakiitarajia, nayo ilipita tangu wakati Yesu aipozaliwa Bethlehemu...

⁴³ Sasa, ninajua mapokeo yetu ya Kikristo, ni kama tu makanisa yetu, mambo yake ni shaghala baghala. Unatoka unaenda hapa na kuona mamajusi wakija kumwabudu mtoto mchanga; hakuna kitu kama hicho katika Maandiko. Walifika pale miaka miwili baadaye, wakipitia kwenye nyanda na kuvuka Mto Tigri. Kamwe hawakuja kumwabudu mtoto mchanga, bali kijana mdogo mwenye umri wa karibu miaka miwili. Ni kwa nini basi, wakati uo huo, Herode aliwaua watoto wote tangu umri wa miaka miwili kwenda chini? Kusudi ampate Masihi. Unaona, wao... Mungu alikuwa amelithibitisha kwa Neno Lake.

⁴⁴ Na hawa mamajusi walipokuja Yerusalem... Ile nyota iliwaongoza kwenye makao makuu ya kidini ya ulimwengu, Yerusalem. Na mara walipoingia kwenye malango hayo, hiyo nyota (ile ya kimbunguni iliyokuwa imewaongoza) ilikataa kuwaonyesha tena. Huku na huko mitaani wakaenda hawa watu wazuri, matajiri waliokuwa na ngamia waliopambwa vizuri, na kadhalika... huku na huko mitaani wakisema, "Yuko wapi Yeye aliyezaliwa Mfalme wa Wayahudi. Tuliiona nyota yake mashariki." Na makao hayo makuu ya kidini, baada ya miaka miwili ya Ujumbe wa mchungaji, bado hawakuwa na jawabu wala kujua lolote juu Yake. Kiongozi wa madhehebu yote hakuwa na jibu.

⁴⁵ Kwa hiyo ililisumbua Baraza la Wazee, nao wakawaita Waandishi waje wasome. Nao wakasoma hadithi ya Mikaya, nabii ambayo ilisema, "Nawe Bethlehemu, hu mdogo kamwe katika majumbe wote wa Yuda (mdogo kuliko wote), lakini kwako atatoka mtawala atakayewachunga watu Wangu, Israeli." Na baada ya Maandiko kusomwa (na yakiwa yanathibitishwa mbele ya macho yao), bado hawakuyakubali, ingawa Maandiko yalisema hivyo. Nina shaka sana kama wanglikubali leo, kama Maandiko yaliyoahidiwa kwa ajili ya siku hii yangedhihirishwa. Huenda nisiwahubirie tena, bali ninawataka mpate jambo hili. Bado wasingeamini!

⁴⁶ Hekima kuu ya Baba inaifanya hekima ya binadamu kuwa ya kipuuzi sana hata Yeye humdunisha mtu. Kwa kweli anafikia mahali ambapo inamfanya mtu ku jionea aibu sana, wala yeye si mkubwa vya kutosha kukubali ya kwamba yeye "amekosea." Yeye angali anadumu na hadithi yake, haidhuru Baba atathibitisha jinsi gani ya kwamba Neno Lake ni kweli naye anafanya yale tu aliyoahidi kufanya. Mwanadamu huwazia

hekima yake ni bora kuliko ya Mungu, kama haiji kulingana na hekima yake, "Mbona, sio hivyo." Hiyo ni kweli kwa kila wakati, ingali inafanya hivyo. Unaona jinsi jambo hilo lote lilivyoafikiana, sasa?

⁴⁷ Ni uvuvio wa jinsi gani kwa wale wachungaji! Malaika wakishuka kuja kuzungumza na wachungaji, Malaika wa Mungu wakija kuzungumza na kundi la wachunga kondoo.

⁴⁸ Sijui kama umewahi kuwa na majaliwa ya—ya kuzungumza na mchunga kondoo ama kuwa pamoa na mmoja, kwa muda mfupi? Kama ungeweza, si—sitaki kusema jambo hilo kwa sababu ya tamshi langu ninalotaka kusema baada ya muda kidogo, bali mchungaji hukaa na kondoo sana hata yeYe hucheka kama kondoo (mlio wa kondoo), anazungumza kama kondoo, na ananuka kama kondoo. Hiyo ni kweli, kwa sababu yeYe yuko pamoa na kondoo. Hilo ndilo tu analogua, ni kondoo wake.

⁴⁹ Sasa, Neno la Kweli lillothibitishwa. Wakati hawa wachunga kondoo, wanyenyekevu, watu wasio na elimu... Ni heshima ya jinsi gani, jinsi inavyofaa kwa mchungaji wa kondoo kupokea ujumbe wa kondoo aliyezaliwa karibuni. Usingeweza kumjia mtu mwingine ila mchungaji wa kondoo. Hiyo ndiyo sababu YeYe alizaliwa katika hori, wala si katika nyumba. Kondoo hawazaliwi ndani ya nyumba, wala katika chumba cha hospitali kilichopambwa kwa rangi ya waridi. Unaona? Wanazaliwa katika banda, na makondeni.

⁵⁰ Hiyo ndiyo sababu YeYe *aliongozwa* kwenda Kalvari. Huwezi kumfanya kondoo atembee kwenye ubao wa kuingia machinjioni. Ulijua jambo hilo? Huko machinjioni, wana mbuzi anayewaongoza kondoo. Na anapofika mahali pa kuulia, anaruka zake na kuwaacha kondoo waendelee. Kondoo hana budi kuongozwa, hawezi kujiongoza mwenyewe. Kwa hiyo, basi, ilibidi iwe ni mchungaji akiwajia nanii...kondoo wake. Wakati walipompata mtoto-Mungu huyo mahali pale pale yule mjumbe aliposema YeYe angekuwa, na wakati walipoupata Ujumbe huu wa mjumbe katika hori, mahali pale pale hasa Malaika aliposema YeYe angekuwa.

⁵¹ Sasa, niliwasikia watu wakisema, "Malaika alisema nami, YeYe alisema '*hivi na vile*.'" Ni dhihaka ya jinsi gani wakati mwingine; nami nimewasikia watu wakisema Malaika alinena nao, na kuwaambia "*hivi na hivi*" ambalo lilikuwa ni kinyume kabisa na Neno. Sasa, Malaika angeweza kufanya hivyo? Haingewezekana. Na kama Mungu alikwambia jambo *fulani-fulani* lingetukia (*unasema* alikwambia hivyo), wala halitendeki, basi haikuwa Mungu aliyekuwa akisema nawe. Kumbuka tu, hiyo ni kweli. Mungu hasemi uongo. YeYe hapatikani katika uongo.

⁵² Walipompata Mtoto huyo Mchanga, ilikuwa ni furaha jinsi gani kwao. Kwa sababu Malaika aliyeewapa ujumbe huo,

waliyakuta mambo jinsi hasa Malaika alivyosema yangekuwa, na mahali tu ambapo Malaika alisema ingekuwa. Hilo lilikuwa ni jambo kuu jinsi gani kwao!

⁵³ Kwenye hori, kwa nini? Unaona jinsi hawa wachungaji walivyokuwa na raha hapo kwenye hilo zizi? Unafikiri mwanatheolojia angekuwaje pale ndani? Angebana pini puanı mwake, na kusema, “Nitoeni mahali hapa.” Unaona? Pasingemfaa kabisa, angekuwa kwenye mateso.

⁵⁴ Lakini, mnaona, ilikuwa ni “nyumbani tu” kwa mchungaji. Mungu anajua mahali pa kutuma Ujumbe Wake. Mnaona? Ni kweli kabisa. Katika hali hii wachungaji walivyokuwamo wakati huo, katika zizi lao pamoa na Mwana-Kondoo wao, Ujumbe uliothibitishwa ambao walikuwa wamesikia. Ni zuri jinsi gani! Uweponi pa Masihi, Neno lillothibitishwa la Ujumbe wao. Wakati wachungaji waliposikia ya kwamba Masihi alikuwa yupo duniani, nao wakaja uweponi Mwake, moja kwa moja katika mazingira yao wenywewe hasa, (na wakakuta kwamba ule Ujumbe ulikuwa ni kweli, ulikuwa umethibitishwa pale) jinsi jambo hilo lilivyowafanya watu hao wajisikie, kuona kwamba Mungu alikuwa amewafanya jambo hili kubwa.

⁵⁵ Mbona, wasomi wangekuwa mahali pasipofaa kabisa pale, kwenye hali kama hizo, wangeondoka upesi sana. Kwa nini? Mjumbe akija kwa wachungaji wa kawaida. Labda hata wasingalininii... hawa... Baadhi ya hawa wachungaji huenda hata wasingeweza kuandika jina lao wenywewe, nina shaka sana. Unajua wachungaji ambao Yesu aliwachagua wakati alipokuwa hapa duniani, kuchunga kondoo Wake, “Jel! wewe wanipenda, Petro, kuliko hawa?”

⁵⁶ “Ndiyo, Bwana, Wewe wajua kuwa nakupenda.”

⁵⁷ “Lisha kondoo Wangu.” Nayu Biblia ilisema ya kwamba Petro alikuwa mtu asiye na elimu wala maarifa. Angali anawachagua wachungaji.

⁵⁸ Wafuasi wa kanisa wa siku hizo zilizopita, na makuhani, na jamii iliyo funzwa vizuri katika siku hiyo wangekuwa katika mahali pasipofaa kabisa katika zizi. Sasa, sina hakika sana ya kwamba wengi wenu wangeweza kufahamu (labda, ninyi watu wa jijini) vile zizi la Kiyahudi lilivyonuka, vile lilivyoonekana, kama wanyama katika zizi hilo, na jinsi lingalikuwa. Mbona, baadhi ya hawa waungwana wa siku hizi wangekuwa mahali pasipofaa sana kule, hata wa—wasingeingia mlangoni. Lakini ilimpendeza Mungu, kwa hekima Yake isiyo na kikomo, kuwafunulia Hilo wale ambao wangelipokea. Wanazuoni, na watu wenye hekima wa siku hiyo hakika wasingeupokea. Wangeaibika sana kuonekana mahali kama hapo.

⁵⁹ Mbona, kwanza, kama wangalirudi kanisani mwao, na wangalishuhudia ya kwamba walihudhuria mkutano kama huo, na kuamini kundi la wachungaji wasio na elimu wakileta

tukio kubwa namna hiyo, wangalifukuzwa kutoka kanisani mwao. Wangalifukuzwa kutoka kwenye shirika la Bethlehemu, kama wangalishikwa wakilisikiliza kundi kama hilo la watu wasio na elimu kama vile wachungaji hawa walivyokuwa. Kudhalilishwa, kweli wangaliaibika. Kama wangalishirikiana na watu wa kawaida kama hao, na wakiwa...na kukubali uzushi kama huo wa kuamini ya kwamba Mungu angeuleta Ujumbe Wake kwa kundi lisilo na elimu la wachungaji, wakati walikuwa wametayarisha kila kitu kwa ajili hiyo. Wangalipoteza ushirikishwaji wao, ingaliwabidi kurudisha vyeti vyao, na wasingeweza kutambulikana mionganoni mwa shirika la makundi yao ya siku hiyo; kwa sababu walikuwa wameshirikiana na kitu kama hicho, wala sio na watu wenye akili nzuri zaidi.

⁶⁰ “Unathubutuje!” kuhani angalisema. “Unakuja hapa madhabahuni pangu na uongo kama huo, na upuuzi kama huo, ati mtu fulani wa mwituni asiye na elimu huko nje ambaye haninii...hakwenda...hakupitia shule ya msingi. Na ungeamini ujumbe kama huo, ya kwamba, ‘Malaika alishuka na kusema nao?’”

⁶¹ Lakini vipi kama mtu huyo angesema, “Niliona Ujumbe wake ukithibitishwa”?

⁶² Angesema, “Hebu upesi nikupe vyeti vyako. Na nitoke kwenye shirika hili!” Nyakati hubadilika, bali watu hawabadiliki. Huenda labda ingetendeka tena siku hizi, wangalifukuzwa kutoka makanisani mwao.

⁶³ Lakini wachungaji walijisikia huru kabisa mahali hapo pamoa na Mwana-Kondoo wa Mungu. Na mchungaji yeoyote mzuri hufanya jambo lile lile. Wakati mchungaji mwemajuu ya kondoo anapoweza kuona Neno la Mungu likifanywa dhahiri na kuthibitishwa, juu ya yale aliyohidi kufanya, mchungaji huyo yuko moja kwa moja nyumbani. Sijali yale mtu mwengine yeoyote asemayo, kuna “Mungu aliahidi jambo Hilo, na Mungu alilitimiza.”

⁶⁴ Watu wanasema, “Siku za miujiza zimepita. Hakuna kitu kama Ubatizo wa Roho. Hakuna kitu kama Ubatizo wa Roho Mtakatifu, huo ulikuwa ni kwa ajili ya mitume.”

⁶⁵ Lakini hebu mchungaji wa kweli wa Neno alihubiri, katika nguvu za ufufuo, ya kwamba Yesu Kristo ni ye ye yule jana, leo, na hata milele! Petro alisema kwenye siku ya Pentekoste, “Ahadi hii ni kwa ajili yenu, na kwa watoto wenu, na kwa watu wote walio mbali, na kwa wote watakaoitwa na Bwana Mungu wetu wamjie.” Popote anapoita, ahadi hiyo na baraka hiyo ni ya kweli. Na hebu mchungaji halisi anayewalisha Neno aone hilo likithibitishwa, wanatheolojia wote ulimwenguni hawawezи kumnyang’anya Hilo; kwa kuwa anajua Mungu alisema jambo hilo, nalo linatukia. Hivyo tu. Ni Neno la Mungu tu daima. Neno

Lake lilifanyika mwili na likiisha mionganini mwao, nao hawakujuja jambo Hilo.

⁶⁶ Yeye aliahidi jambo lilo hilo katika siku hii. Sijui kama tungelilitambua? Wenyewe kiburi na hekima hawakuwa wamepokea kitu kama hicho. Nao waliamini kama kulikuwa na kitu kama Masihi duniani, Yeye hakika ingembidi kuja kwa madhehebu yao. Kundi lao ndilo lingalimpokea, la sivyo "Halikuwa kweli." Sasa, wazia tu kwa makini. Kama haliko kwenye kundi lao, basi... Je! uliona, basi? Mungu kamwe hakuchagua yeyote kutoka kwenye kundi lao, bali Yeye alichagua wale wasiokuwa na uhusiano wowote na lolote la hayo. Kwa sababu kundi moja lingesema, "Mnaona tuliyofanya?" Nao wangefanya jambo lile lile leo. Lakini Mungu huchagua watu wasio na cheo, hiyo ndioy sababu alimchagua mchungaji. Wachungaji walikuwa nyumbani kabisa pamoja na Mwana-Kondoo Mungu mionganini mwao, Neno Lake lililofanyika mwili mionganini mwao. Wenyewe kiburi na hekima kamwe hawakumpokea, aliwapita.

⁶⁷ Nasi tungeweza kusema vivyo hivyo leo, ama katika wakati wowote. Yalikuwa ni mambo yale yale katika siku za Martin Luther. Jambo lile lile katika siku za John Wesley. Yalikuwa ni mambo yale yale katika siku za Wapentekoste. Lakini Mungu hazuiliwi na dhehebu la mtu yeyote! Yeye hutenda kazi na Roho Wake moja kwa moja kuthibitisha Neno Lake! Ilibidi liwe na lije katika tabaka la baraza lao wenyele la sivyo wasingelipokea. Kama vile walivyo wakaidi sana leo, makanisa yote, hata wanaenda "kufanya *hivi-na-hivi*, na kuunganisha makanisa yote pamoja." Kama wanamtarajia mjumbe sasa, ambaye anaweza kuunganisha Waprotestanti wote, Wakatoliki na Othodoksi, kila kitu pamoja, waunde kanisa moja kuu.

⁶⁸ Sasa, ndugu, nimekuwa na majaliwa ya kuhubiria mamia ya dini mbalimbali, na wapo watu wazuri katika hizo zote. Lakini sasa, kumbukeni, ninatabiri, "Kila dhehebu litapaswa kukubali jambo hili, la sivyo halitakuwa dhehebu tena. Ni kuwalazimisha." Je! mlisoma gazeti la Tucson leo ambapo makasisi wa Kikatoliki wanasaidua kuweka mhudumu, katika gazeti... wanasaidua kuweka mhudumu, huko Missouri, kasisi wa Kiprotestanti? Na ni akina nani walikubaliana na jambo hilo? Presbiteri, Wabaptisti, Lutheri, na Assemblies of God. Liko kwenye gazeti la Tucson leo.

⁶⁹ Loo, linatisha mno! Si huyo mtu aliye mle ndani, ni hao viongozi wa makanisa, viongozi watawala wanaogeuzwa kitu hicho mle, mfumo unaokutupa ndani yake upende usipende. Huwezi tena kuwa dhehebu na uepuke hasira hii inayokuja juu ya nchi, nawe utaona kama hilo si kweli. Huenda nikawa nimeondoka wakati jambo hilo litakapotimia, rejeeni kwenye moja ya hizi kanda. Halafu basi kama sivyo ilivyokuwa,

mimi ni shahidi wa uongo. Kama ndivyo ilivyokuwa, mimi nimesema Kweli.

⁷⁰ Wangeliliita “namna fulani ya matendo ya pepo” dhidi ya mawazo yao mazuri. Unasikia sana siku hizi kuhusu mawazo mazuri: unaweka tu nia yako juu ya jambo lolote, na kuwaza vizuri juu yake. Ibilisi anaweza kufanya hivyo! Kuna kitu kimoja tu kinachotawala juu ya yote, na hicho ni Neno la Mungu. Kama unawazia kinyume cha Neno, sahau mawazo yako. Wazia juu ya Neno.

⁷¹ “Masih,” walidhani, “asingepatikana mahali kama hapo, mchafuko kama huo.”

⁷² Ungeweza kuwazia kuhani mkuu mzuri, mashuhuri, ama kassisi, akiwa amesuguliwa sawasawa katika theolojia, angeshuka aje kwenye zizi lililoja samadi? Na kukubali Ujumbe wa maskini, mchungaji mnyenyeketu ambaye hakuwa na elimu, na angekuja na kusema “Unaona, ninaweza kukuthibitishia, huyu ndiye yule Mwana, huyu ndiye yule Mjumbe”?

⁷³ Na unajua yale hao watu wangesema? “Mtu huyu ni mwaminifu, ye ye ni mwaminifu sana katika yale anayosema, bali yuko makosani kabisa!”

⁷⁴ Nimeona watu wakiishi maisha mazuri sana mpaka watu wasingeamini, wasingesema neno juu yao, bali wanasema “Yeye ni mwaminifu makosani. Kamwe ye ye hajui yale anayozungumzia. Mungu, asingefanya jambo kama hilo.”

⁷⁵ Lakini hapa walikuwa na ushahidi! Na baada ya ushahidi, “Nendeni kule juu zizini mwone kama yule mtoto mchanga hayuko pale.”

⁷⁶ Wangesema, “Umelogwa na pepo fulani mchafu, ambaye amekufanya useme hivyo.” Hata hivyo ilikuwa ni kulingana na Neno la Mungu! Nao walikuwa vipofu sana wasingeweza kuliona Hilo, kwa sababu theolojia yao ilikuwa imewapofusha. Ni msiba wa jinsi gani!

⁷⁷ “Ati kushikwa mahali kama hapo? Katika machafuko kama haya yalivyokuwa? Katika zizi?” Wakati walikuwa na mahali pake pazuri pa kuja, walikuwa wameandaa kila kitu kwa ajili Yake kuja, halafu kuwazia ya kwamba angeshuka (na kwenda) na wala asiwaletue walimu wao Ujumbe huo. “Naye angewapa kundi la wachungaji wasio na elimu? Halafu amlete Mwanawewe Mwenyewe, na kumfanya azaliwe katika zi—zizi? Zizi la banda la kawaida? Vema, katika—katika hori la majani makavu? Mbona, isingaliwezekana!” Wasingeweza kuamini jambo Hilo, kwa sababu lilikuwa ni nyenyeketu sana.

⁷⁸ Na ni rahisi sana, hivyo ndivyo wenye hekima daima wasiviyolilia maanani. Ni rahisi sana, linawashangaza sana. Walimtarajia Mungu huko mbali sana, wakati Yeye yupo papa hapa. Unaona? Wanatarajia kitu fulani huko mbali sana, wakati

kipo papa hapa pamoja nao sasa: Kristo, aliyefufuka katika wafu, yeye yule jana, leo, na hata milele.

⁷⁹ Mambo yao yote makuu yaliwekwa kando. Lakini hakika ilikuwa ni Kweli, ya kwamba “Masihi alikuwa ndiye huyo hapo.” Tunajua jambo hilo siku hizi. Tunaliamini leo. Tunalikubali leo.

⁸⁰ Lakini kama Mungu aliahidi jambo fulani kwa ajili ya Krismasi hii, aliahidi jambo fulani kwa ajili ya siku hii, na kuthibitisha ya kwamba ndivyo ilivyo, na tungali tunaliacha, tuko tu katika tabaka lile lile walilokuwa (huko nyuma kwenye siku hiyo) hao walolikwepa; kwa sababu halininii—haliji katika ladha yetu ya kimadhehebu. Hiyo ndiyo sababu tuko katika machafuko kama hayo Krismasi hii.

⁸¹ Yesu Kristo hajafa, Yeye yu hai. Yupo hapa leo! Biblia ilisema, “Ni yeye yule jana, leo, na hata milele.” Yeye alisema, katika Yohana Mt. 14:12, “Yeye aniaminiye Mimi...” (si yeye anayejifanya anaamini, yeye *anayesema* anaamini) “Yeye aniaminiye Mimi, kazi nizifanyazo Mimi yeye naye atazifanya. Na nyingi zaidi ya hizi atazifanya, kwa maana ninaenda kwa Baba.” Nami nimemwona, katika maisha yangu mwenywewe, akifanya kiasi kikubwa zaidi cha kazi zile zile (alizofanya wakati huo) kuliko zile zilizoandikwa katika kurasa za Biblia hii. Na linapita juu ya kichwa na wenye hekima leo, na kufunuliwa watoto wachanga wanaoweza kujifunza; kama vile Yesu alivyoomba. Ni kweli, Yeye amefanya mengi kuliko yale Yeye... Nimeona katika siku yangu, ya miaka yangu thelathini na mitatu ya huduma, nimemwona Yeye akifanya mengi kuliko yale nimesoma Yeye akiyafanya katika Biblia; mengi zaidi ya jambo lile lile.

⁸² Lakini haidhuru alifanya nini wakati huo, je! unafikiri lile Baraza la Wazee lilimwamini? “Vema,” wao walisema, “umerogwa.” Lakini, tunaona, mahali walipofanya kosa lao palikuwa ni kuona...katika kuona, si yale kanuni yao ya imani iliyosema, bali ni yale Neno liliyosema Masihi angefanya katika siku yao. Na hapo ndipo tunapofanya kosa leo, kutoyachunguza Maandiko. Yesu aliwaambia, “Yachunguzeni Maandiko, ndani yake mwadhani mna Uzima wa Milele, nayo ndiyo yanayonishuhudia. Yanawaambia Mimi ni Nani.”

⁸³ Angalia, Mungu alijua tangu zamani wangefanya jambo hili, hiyo ndiyo ile *ni kwa nini* tu iliyomfanya aupeleke kwa wachungaji. Yeye alijua wasingefanya jambo hilo, wasingeupokea. Sasa mnaona ni kwa nini ilibidi iwe ni wachungaji? Kwa nini wachungaji? Wanatheolojia wasingeupokea. Ni kwa nini wachungaji tena? Je! lingekuja kinyume cha Neno Lake? La! Walikuwa wachungaji, waliwijua kondoo; na hivyo ndivyo alivyo zaliwa, kondoo, mwana-kondoo. Angalia, Yeye alikuwa ni Mwana-Kondoo. Walikuwa—walikuwa ndio tu wangaliweza kumkubali. Mchungaji alikuwa ndiye mtu

tu angemkubali Mwana-Kondoo. Walijua jinsi ya kumchunga, na ndivyo ilivyo leo tunapoupata Ujumbe wa Mwana-Kondoo.

⁸⁴ Sasa jambo la kushangaza! Mtu aliye mnyenyekyevu sana, asiyé na elimu akimsujudu Imanueli kwenye zizi. Nanii sana... Na kulikuwako na watu huko nje, siku zizo hiso, wakifundisha theolojia yao. Umati mkubwa, wakitoka kila mahali, kutoka kote nchini, walikuja kutoa sadaka ambazo Yehova alisema "zilinuka sana katika pua Yake." Na hawa hapa wachungaji wanyenyekyevu, zizini, wakimsujudu Imanueli; Mungu Mwenyewe aliyefanyika mwili, na amelazwa zizini. Mnaona, jinsi ambavyo sisi tukiwa na kisomo chetu kikuu, na kichwa chetu kimerudishwa nyuma kana kwamba tunajua jambo fulani, na Mungu anakipita kitu hicho chote. Unaona? Yeye hufanya yale anayoahidi kufanya, na daima Yeye hufanya jambo hilo. Lakini wazia juu ya hawa wachungaji wa hali ya chini kule sasa wakimsujudu Imanu... Imanueli katika zizi. Ni jambo la ajabu sana. Hakika ni la ajabu!

⁸⁵ Ndipo nje... Baada ya kumsujudu, na kutambua ya kwamba Ujumbe waliokuwa wakihubiri ulikuwa umethibitishwa, hao hapo... walikuwa huko nje wakimsifu Mungu kwa Ujumbe usioaminika kabisa wa Malaika. Sasa linganisha jambo hilo na siku hizi. Hebu simama tu kidogo na uwazie. Mwanadamu huko nje akimsujudu Mungu, na kumsifu kwa yale waliyokuwa wameona, yale waliyosikia, yale waliyojua kwamba ni Kweli, wakiwa na Ujumbe usioaminika kwa mtu mwenye elimu. Ulikuwa ni kinyume na mawazo yote ya kikanisa, na hata hivyo ulikuwa ni wa Kweli! Ni Kweli! Waliuamini. Na sasa, jinsi hekima ya mwanadamu inavyoweza kuwa ya kipumbavu! Halafu kusema ya kwamba kwaya ya Malaika iliwaimbia noeli ya kwanza. Ungeweza kuwazia jambo hilo? Ya kwamba mchungaji asiyeweza kuandika jina lake, akinuka kama kizizi cha kondoo, akishuka kwenda mtaani, akipiga makelele, "Utukufu kwa Mungu aliye Juu Sana! Tunajua ya kwamba Yeye yuko duniani!"

⁸⁶ Kasisi alisema, "Mtu huyo amerukwa na akili. Angalieni kwenye vitabu mwone kama yeye ni mfuasi wa kusanyiko letu. Kwa kweli anatuaibisha kwa mafundisho yake yasiyo na maadili. Mwondoeni kwetu. Hatutaibishwa mionganoni mwa watu."

⁸⁷ Vema, unaweza kuaibishwa mionganoni mwa watu na utukuzwe mbele za Mungu; ama ujichagulie, maana, kumbuka, ladha ya kidini ya siku hizi haikubaliani na Neno la Mungu. Hakuna ladha mia tisa sitini na tisa mbalimbali Zake. Ni ladha moja, Neno moja, Mungu mmoja. Hivyo tu.

⁸⁸ Wakisema ya kwamba Malaika waliwaimbia noeli ya kwanza, na pia wakisema ya kwamba wao "walipata Ujumbe kutoka kwa Malaika." Malaika aliwatokea, akawapa Ujumbe, nao walikwenda na wakakuta kwamba Ujumbe huo ulikuwa ni

Kweli. Na kusema, “Mbali na hayo, Malaika alituimbia noeli ya kwanza.”

⁸⁹ “Ungeweza kuwazia?” Wanasema, “Maskini jamaa huyo.” Hakukuwa na jambo kama hilo kutokea mionganoni mwao, wajua, kwa hiyo kwa namna fulani lilikuwa ni fundisho la kigeni kwao. Na hiyo ndiyo sababu wasingeweza kulipata katika Maandiko, halikuwa ni kwa ajili yao kulipata. Isingeleweka kwa wenye hekima, hakuna tukio kama hilo lilikuwa limewahi kuwapata. Haliaminiki, bali lingali lilikuwa ni Kweli. Ni Kweli, tunajua ni Kweli. Wazia! Waongofu wa kwanza wa Kristo na kusanyiko la kwanza lilikuwa ni la wachunga kondoo, sio makasisi; watu wa kondoo, wachunga ng’ombe. Kwa nini wachunga kondoo?

⁹⁰ Angalia! Huko nje wakimsifu Mungu na kumtukuzza kwa yale walivyokuwa wameona na kusikia, waliwasikia Malaika wakimwimbia mwanadamu kwa mara yao ya kwanza. Malaika hawajawahi kumwimbia mwanadamu kabla ya hapo. Na hebu ziangalie hizo kwaya, jinsi walivyokuwa wamesimama na kuzizoesha na kuzifunza sauti hizo, “wangeimba wakati huo wa kuzaliwa kwa Masihi,” nao wote walipuzwa! Nao Malaika walishuka na kuwaimbia wachungaji wa kawaida wa kondoo, si wakiwa wamevaa nguo za kasisi, bali wakiwa wamevaa mavazi ya wachungaji. Na hebu angalia ni nani aliyeupata Ujumbe wa kwanza, haliaminiki.

⁹¹ Na mahali hapo ambapo ultolewa, si katika makanisa ya jimbo, bali nyikani, huko nje nyikani mahali ambako Malaika wa Bwana alikokuja. Si kanisani, nyikani. Wala hata hakukaribishwa kanisani. Walifikiri alikuwa, nao walidhani walikuwa wamelipata, bali Mungu alithibitisha ilikuwa ni makosa. “Yeye anaweza kutoka katika mawe haya kumwinulia Ibrahimu watoto.” Hiyo ni kweli.

⁹² Mara ya kwanza Malaika walipowahi kuimba kwenye sherehe, ilikuwa ni huko Mbinguni. Kama utaangalia katika Ayubu 38:7, (kwa kuwa ninaona baadhi yenu mkiandika mihtasari), wakati Mungu alipopanga kwa mara ya kwanza kuufanya uumbaji Wake wa kwanza, dunia. Ayubu alikuwa ni mtu mashuhuri, mtu mwerevu, naye alikuwa na hekima za kila namna. Yeye alisema, “Ninapoenda sokoni, watawala vijana, wote hunisujudu, na wanataka tu dakika moja ya hekima yangu.” Wala asingeweza kujuua ni kwa nini ilibidi atendewe jinsi aliviyotendewa.

⁹³ Na kwa hiyo Mungu alimwuliza, akasema, “Jifunge viuno kama mwanamume, maana ninashuka kuja kuzungumza nawe.” Ndipo wakati Mungu aliposhuka katika upepo wa kisulisuli, Akasema, “Ayubu, ulikuwa wapi kabla sijaweka misingi ya nchi? Hapo nyota za asubuhi zilipoimba pamoja, na wana wa Mungu walipopiga kelele kwa furaha, ulikuwa wapi wakati huo, Ayubu?” Naye aliondolewa majivuno wakati huo. “Ulikuwa wapi?”

⁹⁴ Unaona, mara ya kwanza Malaika walipoimba kwenye sherehe, ilikuwa ni Mbinguni. Lakini mara ya kwanza walipowahi kuimba duniani, ilikuwa ni kwa wachungaji wakati wa kuzaliwa kwa Mungu, Imanueli duniani; wanadamu wa kwanza waliopata kusikia Malaika akiimba, walikuwa ni wachungaji wanyenyeketu.

⁹⁵ Tunapowachukua wanawake wetu waliozipodoa nyuso zao, waliokata nywele, waliovaa kaptura, na kuwazungushia namna fulani ya joho la kanisa, na kuwasimamisha na kuimba kama kitu fulani, na halafu tunafikiri ya kwamba inambidi Mungu kusikiliza hizo? Yeye ana Malaika huko ng'ambo wanaoweza kumtumbuiza tangu ninii... kabra kamwe hajamwumba mwanadamu. A-ha. Wanatoka nje na kuishi... na kucaa nguo ambazo ni chukizo kwa Mungu, na unawezaje kutarajia jambo hilo liwe ni la Mungu? Unasema, "Vema, mimi ni mfuasi wa..."

⁹⁶ "Ulikuwa wapi hapo nilipoweka misingi ya nchi? Niambie ambako niliikazia. Iko wapi ekseli zinazoizungukia? Ulikuwa wapi wakati huo?" Unafikiri inambidi Mungu kutuomba sehemu ya hekima yetu. Hekima yetu ni upumbavu tu Kwake. Yeye hufanya yale anayosema atafanya.

⁹⁷ Sasa angalia, Mungu anajiandaa kufanya uumbaji mwininge. Yeye kuumba nchi inayopita, uhai upatikanao na mauti. Malaika wanaimba Mbinguni. Lakini hapa Yeye anaumba Uzima mpya, Uzima wa Milele kwa ajili ya mwanadamu, Naye anawaimbia raia Wake kwa Malaika; duniani, si Mbinguni. Mbingu ilikuwa na Uzima wa Milele. Unaona? Naye aliimba... waliziimbia Mbingu, wakati kuumbwa uhai upatikanao na mauti kulipoingia, na hapa uumbaji usiopatikana na mauti unaingia, na sasa wanawaimbia watu wa duniani. Mara ya kwanza, kwa wachungaji. Inashangaza, sivyo?

⁹⁸ Yeye alikuwa ameanza uumbaji mpya. Ilikuwa ni kitu gani? Kuumbwa kwa nafsi Yake. Mungu alifanyika mwili na kukaa mionganoni mwetu. Hiyo ni... Biblia ilisema, "Katika mwanzo wa kuumba kwa Mungu." Mungu aliumbwaa katika umbo la binadamu; katika Yesu Kristo, Mwanawe, Mungu aliishi. Alijenga maskani Yake ya mwili na mifupa, na akaishi katika maskani hiyo; Mungu, *Immanueli*, "Mungu pamoja nasi." Alijenjea nyumba, apate kuishi ndani yake, kusudi apate kuakisi Neno Lake kwa raia Wake kwa jambo hilo. Mnajua Mungu ni nini, mnapomwona Kristo.

⁹⁹ Kumbuka, daima kuna kuimba anapozaliwa mfalme. Ni wangapi waliojua jambo hilo? Hakika, mlajua. Vema, sasa, je! mnafikiri kama mfalme huyu angalizaliwa kule chini, mwanamke angalikuja mbio aingie katika kanisa kubwa mahali fulani, na kusema, "Tayarisheni kitanda upesi sana, na mwalete madaktari, kwa maana nitamleta Imanueli duniani"? Maskini

mwanamke kutoka Nazareti, mji ulio duni kuliko miji yote, ninii... mwovu kuliko Tucson ama yoyote ya hiyo mingine, na hata hivyo maskini mwanamke huyu yuaja mbio pale kwa kuhani mkuu mashuhuri na akasema, "Ni—ninajiandaa kumzaa Imanueli." Wangalimtupa gerezani. Hakika wangemtupa. Bila shaka wangemtupa. Kwa uzushi kama huo kuletwa miongomi mwa watu wake, asingeweza kuvumilia jambo hilo. Wala asingeuvumilia leo hii. Lakini jambo lile lile linatukia, jambo lile lile.

¹⁰⁰ Angalia, inabidi kuwe na kuimba. Wafalme walikuwa... Asingeimbiwa. Watu wasingemwimbia, kwa kuwa hawakumwamini. Na hiyo ndiyo sababu... Hili hapa linakuja, afadhali ulipate. Hiyo ndiyo sababu leo watu wanaona haya kumsifu Mungu, wanamwonea Kristo aibu! Makanisa makubwa ya jimbo hayataupokea Ubatizo wa Roho Mtakatifu, wameshikilia sana njia zao za kikanisa hata hawataupokea. Mungu atamatafuta mtu fulani ambaye anaweza kujipatia sifa kwake. "Anaweza katika mawe haya kumwinulia Ibrahimu watoto," ninapomnukuu Yohana tena.

¹⁰¹ Angalia, raia wake hawana budi kumwimbia. Na raia Wake wakati huo walikuwa ni Malaika, nao waliwaimbia wachungaji Wake ambaao walikuwa wachukue Ujumbe Wake.

¹⁰² Ni nani anayepaswa kuusikia kwanza? Bila shaka, raia Wake. Hao ndio ambaao wangekuwa wa kwanza kusikia kuimbiwa kwa Mfalme, wangekuwa ni raia Wake. Na raia Wake walikuwa ni akina nani? Kwa namna fulani linashangaza, sivyo, ndugu? Haikuwa makasisi Wake. Haikuwa ni wanatheolojia. Hiyo ni kweli. Haikuwa watu wa kimadhehebu. La, ilikuwa ni wachungaji. Kwa nini? Kulikuwa na kondoo aliyezaliwa, hiyo ndiyo sababu. Unaona? Raia Wake walisikia, ambaao Mungu alijua wangeamini. Mungu alituma Ujumbe Wake kwa wale ambaao wangeuamini. Yeye ni hekima yote; Yeye anajua mahali pa kutuma Ujumbe Wake, yule atakayeuanmini. Aliye Juu Sana wa Mbinguni alitumwa kwa mtu wa chini sana duniani.

¹⁰³ Yesu alisema, katika Mathayo 5, "Heri walio maskini wa roho, maana Ufalme wa Mbinguni ni wao." Mariamu, katika... Kama unaandika Maandiko hayo, hiyo ni Mathayo 5. Na kama unaandika Maandiko... Hayo ndiyo nimeandika hapa, ni Maandiko.

¹⁰⁴ Mariamu alisema, katika Luka 1:52, wakati alipotiwa mafuta na Roho, Roho Mtakatifu akiwa juu yake, alisema, "Yeye amewakweza wanyonge." Mariamu alisema hayo, mama ya Yesu, alisema, "Yeye amewakweza wanyonge."

¹⁰⁵ Luka pia alisema, "Watu wa kawaida walimsikiliza kwa furaha." Si wa—wanazuoni, wa—wanatheolojia, madaktari wa torati na wa uungu; bali watu wa kawaida walimsikiliza kwa furaha, watu wa tabaka la chini.

¹⁰⁶ Kote katika Maandiko matakatifu, Ujumbe wa ukombozi umetolewa na wachungaji na kupitia kondoo.

¹⁰⁷ Sasa sina budi kufunga, kwa maana tunakaribia wakati wa kufunga. Ninayaacha Maandiko mengi kusudi tu niweze kuwafikisha kwenye wazo hili.

¹⁰⁸ Kote katika Maandiko, ukombozi umewakilishwa kupitia kwa wachungaji na kondoo. Hiyo ni kweli. Sote tunakubaliana na jambo hilo. Kwa nini? Ilikuwa ni katika kivuli na mfano. Na chochote... Kama sijapata kuuona mkono wangu, nami niliangalia hapa chini kwenye kivuli cha mkono wangu, na ninaona nilikuwa na vidole vitano, ningejua ya kwamba huo ulikuwa ukiakisi; negetivu ilikuwa ikiakisi iliyo halisi. Na hiyo ndiyo sababu Ujumbe siku zote uliwajia... ukombozi kwa kondoo, kwa sababu tangu mwanzo... Na ilikuwa ni kupitia kondoo, na kwa wachungaji, kwamba Yeye alijifunua Mwenyewe. Yote yalikuwa ni vivuli na mifano.

¹⁰⁹ Sasa hebu na tuangalie hapo mwanzo. Adamu na Hawa, wakisimama pale mbele za Mungu kusikia Ujumbe Wake kwao, walikuwa wamejifunga viounoni mwao ngozi ya kondoo. Ujumbe wa kwanza uliopata kusikiwa, ultolewa juu ya ngozi iliyokuwa ya kondoo, ambayo Mungu alikuwa amechinja na kuwanika Adamu na Hawa kwayo. Baada ya wao kujaribu kujiundi dini yao wenyeewe ya majani ya mtini, isingeweza kufanikiwa. Dhabihu ya Kondoo ilikuwa imewekwa kwa ajili ya upatanisho tangu mwanzo kabisa, dhabihu ya kondoo.

¹¹⁰ Sasa, tutafunga jambo hili sasa, na kuwaonyesha ni kwa nini ilibidi iwe ni wachungaji; na ni kwa nini ilibidi iwe, Yeye alipaswa kuwa kondoo.

¹¹¹ Sasa, manabii wa Agano la Kale walijivika ngozi za kondoo (tunajua jambo hilo, a-ha), wakionyesha imani yao katika Neno Lake kwa Mwana-Kondoo mkamilifu ajaye. Hiyo ndiyo sababu ya hao manabii.

¹¹² Sasa, Neno la Mungu halimjii mwanatheolojia, hakuna ninii... yeye—ye ye ndiye anayelichafua. Hiyo ni kweli. Hakuna kitu kama kusema kamwe... Wewe kusema, "Vema, jamaa huyu ni mwanatheolojia." Hilo linamweka tu mbali zaidi na Neno kuliko chochote nijuacho. Mnaona? Neno la Bwana Mungu, Mungu asiyebadilika, kamwe halibadiliki. Popote katika Biblia, Neno la Mungu siku zote liliwajia manabii. Si kwa wanatheolojia ama madaktari, kwa manabii! Nao daima, kila wakati, walikataliwa na kupingwa.

¹¹³ Manabii kwa kawaida walikuwa ni wachungaji pia. Manabii walijivika ngozi za kondoo, kwa sababu walivaa ngozi ya kondoo waliokuwa wakiwachunga. Na ujumbe wa kwanza, kwa ki-ki-kizazi kilichohukumiwa, ulikuwa juu ya ngozi za kondoo. Manabii, ninasema tena, walivaa ngozi za kondoo ambazo walijifunika nazo, maana walikuwa wakishuhudia kwa

jambo hilo, ya kwamba waliamini ya kwamba Mwana-Kondoo mkamilifu alikuwa yuaja kwa ajili ya sadaka hiyo. Nalo Neno la Mungu liliwajia juu ya ngozi za kondoo. Hawa wachungaji... ama hawa manabii kwa kawaida walikuwa ni wachungaji. Ibrahimu alikuwa ni mchungaji. Isaka alikuwa ni mchungaji. Yakobo alikuwa ni mchungaji. Musa alikuwa ni mchungaji. Daudi alikuwa ni mchungaji. Wawakilishi wote wa Mungu kwa kawaida walikuwa ni wachungaji.

¹¹⁴ Sasa tutaenda kuona ni kwa nini uliwajia wachungaji. Walijua kondoo walikuwa hawajiwezi bila ya mchungaji wa kuwaongoza. Wao... kondoo hajiwezi kabisa, hawezi kwenda peke yake. Hiyo ndiyo sababu Mungu aliwalinganisha watoto Wake waaminio na kondoo. Wanapaswa kuongozwa. Lakini angalia ni kitu gani kinachokuongoza! Usimchukue mbuzi, atakuongoza machinjioni. Mungu kamwe hakutupa mbuzi, Yeye alitupa Mwanawe (Roho Mtakatifu) kutuongoza. Yeye ndiye Kiongozi wetu, si wachungaji wa kujibunia, bali mchungaji aliyetolewa na Mungu ambaye anawalisha kondoo kwa chakula cha kondoo.

¹¹⁵ Sasa, hebu mchukue nguruwe, na umwambie nguruwe huyu, "Mimi nitakufanya mwana-kondoo." Nawe umwoshe. Na upake rangi kucha zake za vidole vya mguu, na—na kadhalika. Na umpe chakula kama kondoo, mpe namna fulani ya—ya mlo. Na umweke sakafuni ama huko nje katika... ambako ko—kondoo wanlishwa, katika mashamba ya alfalfa ama kitu fulani. Na kama kuna shimo la matope mahali popote, nguruwe huyo ataenda moja kwa moja kwenye shimo hilo la matope awezavyo kwenda. Unaona? Kwa nini? Ni kwa sababu asili yake ingali ni nguruwe.

¹¹⁶ Na hiyo ndiyo sababu wafuasi wa kanisa, leo, wanajiingiza katika mambo ya ulimwengu, unaona, ni kwa sababu asili yao hajabadilika. Watakula namna yoyote ya vinyaa vya kanisa, theolojia, bali Neno la Mungu hawawezi kulistahimili. Wataingia na kulisikiliza Neno...

¹¹⁷ Mnajua, mnafiki mkubwa sana ulimwenguni, ni maskini kunguru wa kale. Katika Biblia, kulikuwa na wawili walioachiliwa wakatoka kwenye safina. Maskini kunguru huyo alitoka akaenda wala hakurudi, kwa sababu yeye ni koho, mla mizoga. Aliketi juu ya mili ya mizoga iliyokufa na kujaza tumbo lake kwa mzoga mfu. Lakini alipomwachilia hua, huyo hua asingeweza kustahimili uvundo huo, kwa hiyo alirudi nyumbani kwa Baba pamoja na Nuhu, na akabisha mlango mpaka Nuhu akamfungulia.

¹¹⁸ Sasa, kunguru anaweza aketi hapa nje na kula mzoga wa farasi, siku nzima, kisha aruke aende huko kondeni na ale nafaka pamoja na hua. Lakini hua hawezi kuruka kule na ale farasi mfu, na kisha ale nafaka; ingemwua. Unaona, hua hana nyongo yoyote, wala hawezi kuimeng'enya.

¹¹⁹ Na wakati hua yejote wa Mungu, hua yejote anayekula Neno ama kondoo, mnyama safi, unapoenda kuwapa vitu vya ulimwengu, wao wanajua Bwana wao alisema, "Yeye anayeipenda dunia au mambo yaliyo katika dunia, kumpenda Mungu hata hakumo ndani yake." Ukimpa kitu kilicho kinyume na Neno hilo la Mungu, yeje hawezi kukivumilia. Lakini ibilisi anaweza kuchukua Hilo na ulimwengu pia, na kuvii vyote ni vya Mungu. Huwezi kuchanganya mafuta na maji, havitachanganyikana.

¹²⁰ Wao, wachungaji hawa wote, walijua kondoo alikuwa hajiwezi bila ya mchungaji. Nao walikuwa ni wachungaji, na walijua hana budi kuongozwa.

¹²¹ Ni huzuni jinsi gani kuona, leo, ya kwamba wanajaribu kuwalisha kondoo, uchafu. Lakini kondoo hataula. La, bwana! Unaona, walikuwa wakijaribu kuwalisha kondoo, huko nyuma, uchafu. Na wakati Neno lilipokuja, walikuwa wamezoea sana kula uchafu, hawakujua Neno. Na hivyo ndivyo ilivyo siku hizi, wakati jambo lilo hilo limethibitishwa na kuhakikishwa ya kwamba Mungu angefanya jambo fulani. Ndipo wao wamezoea sana kula uchafu, na wamelishwa uchafu, hata u-... vema hakuna kuwazungumzia, kamwe hawatalisikiliza jambo Hilo, hivyo tu. Mbwa... Biblia ilisema, "Kama vile mbwa anavyoyerudia matapiko yake, na nguruwe kwenye kugaagaa kwake matopeni, ndivyo nao wafanyavyo."

¹²² Wanaskiliza Neno, kisha wanarudi moja kwa moja kwenye kule kugaagaa kwa kale! Na kusema, "A-ha, ni ulokole. Usiamini kitu kama hicho."

¹²³ Mungu...kondoo hufanya vivyo hivyo leo, hawana budi kuamini mlo wa Neno. Hawatakula mlo mwengine wowote. Huwezi kuwapa mlo wa kanisa, kondoo halisi. La! La! Nenda ukawaambie, "Sasa angalieni, sisi sote tutakuwa pamoja. Sasa, Yesu aliomba ya kwamba sote tupate kuwa 'mmoja.'" Ndiyo kwanza msikie jambo lilo hilo huko Tucson si muda mrefu uliopita, siku chache zilizopita, bali ni uongo! Yesu kamwe hakuomba... Alinini vipi... Únawezaje kulifanya Neno lijhukumu Lenyewe, Lijilipue Lenyewe? Basi Mungu si zaidi ya mtu mwengine yejote.

¹²⁴ Yesu alisema, "Watu wawili wanawezaje kutembea pamoja wasipopatana?" Utamchukuaje Mmethodisti, Mbaptisti, Mpresbiteri, na Mkatoliki, na kuwatupa wote pamoja na wawe mmoja? Huenda mkawa mmoja chini ya uongozi wa mwanadamu, bali Yesu alisema, "Kwamba wawe mmoja kama—kama vile *Mimi* na *Wewe* tulivyo mmoja." Sasa, Yeye anatutaka sisi sote tuwe mmoja katika Yeye ambaye ni Neno! Amina! Hilo hapo, "Mmoja pamoja na Baba." Na Baba ni Mwana, ni yeje yule. Na ni Neno lile lile, Neno lillodhihirishwa, likijionyesha Lenyewe katika siku hii kama liliyofanya katika siku nyingine yoyote, mpate kuwa mmoja.

¹²⁵ Angalia, Yeye alisema, "Kama vile Baba alivyonipeleka Mimi, Nami nawapeleka." Baba aliyempeleka, alienda ndani Yake kulithibitisha Neno. Na Yesu yeye yule anayewatuma watu Wake, anaenda ndani ya watu hao anaowatuma; na kusema, "Kazi nizifanyazo mimi, ninyi nanyi mtazifanya." Hakika, Yeye aliomba ya kwamba tupate kuwa mmoja; mmoja Naye, si mmoja na madhehebu. Si mmoja na mfumo fulani, bali mmoja na Mungu. Kwa kuwa Mungu katika Neno Lake ni mmoja, naye Yesu na Mungu walikuwa mmoja, na mimi na wewe na Neno hatuna budi kuwa mmoja. Hiyo ni kweli. Inatubidi kuwa mmoja kwa kupatanishwa na Neno. Si yale mtu mwingine asemayo, hili si la kufasiriwa apendavyo mtu mwenyewe. Lichukue, vile lisemavyo, na uliamini; naye Mungu atalithibitisha, na kuthibitisha ya kwamba ni kweli. Unafikiri ni kwa ajili ya mitume tu, chukua Neno Lake kwa ajili ya jambo hilo, uende ukalijaribu wakati mmoja na uone. Utaona ya kwamba litafanya kazi kwa ajili yako vile vige tu Yeye alivyoahidi. Naam, bwana!

¹²⁶ Hawatakula uchafu, inawabidi kula mlo wa kondoo. Yohana Mtakatifu 10 inatangaza ya kwamba, "Kondoo Wangu wajjua Sauti Yangu." Na kama Yeye ni Neno, basi Yeye ana Sauti ya aina gani? "Kondoo Wangu wanaijua Sauti Yangu, wagemi hawatawafuata." Unaona? Yesu alisema, "Sauti ya kigeni hawatawafuata." Kwa hiyo, kondoo Wake hawaifiati sauti ya mgeni. Hawatawafuata.

¹²⁷ Manabii, wachungaji, na kondoo, wote wanashuhudia juu ya kule kuja.

¹²⁸ Sasa mtazameni Mungu asiyebadilika katika mipango Yake isiyobadilika ya Neno Lake siku hii. Sasa wazieni tu dakika chache: Neno lisilobadilika.

¹²⁹ Sasa angalieni! Kama—kama Musa angalikuja na ujumbe wa Nuhu, usingefaa kitu. Kama Yohana Mbatizaji angalikuja na ujumbe wa Musa usingalifaa kitu. Kama Yesu angalikuja na Ujumbe wa Musa ama wa Nuhu, usingalifaa kitu. Na Wesley kuja na ujumbe wa Luther, usingalifaa kitu. Kama Pentekoste ikija na Ujumbe wa Kiwesley, usingefaa kitu; ndio kwanza tusikie hilo likishuhudiwa. Sasa, Mungu anaendelea tu kusonga mbele. Angalia tu Neno, utaona mahali tulipo.

¹³⁰ Basi kwa nini tangazo la kwanza la wachungaji... Kama manabii hawa wote, watu hawa wote wakuu walikuwa wachungaji, basi ni kwa nini Mungu (Yule asiyebadilika) abadilishe mtindo Wake papa hapa, na kuuleta kwa wanatheolojia? Ilikuwa ni wachungaji. Kule kuwasili kwa Mwana-Kondoo mkamilifu, lile toleo la dhambi, kunapaswa kuja kwa mchungaji.

¹³¹ Mchungaji anawajua kondoo wake vizuri zaidi kuliko mtu mwingine yejote. Hakuna mtu anayewajua kondoo kama vige mchungaji, yeye amefunzwa kuwajua. Pia alijua watakula

chakula cha aina gani. Wao... alijua kile kondoo wangekula, naye anawajua kondoo wake kwa kile wanachokula. Ninii... ungalimwona kondoo akitoka kwenda kwenye kibanda cha takataka na kuanza kula takataka, ungesema, "Mwondoleeni mbali huyo mla mizoga." Unaona? Kwa hiyo Mungu alijua mahali pa kuwatuma.

¹³² Sasa hebu na tumwite mmoja wa manabii-wachungaji wakuu wa Yehova, kuthibitisha ya kwamba Mungu alikuwa katika manabii hawa waliovaa ngozi ya kondoo. Angalia sasa. Tutamwita, kwanza, Musa. Hebu tumwangalie. Huduma yake itatuonyesha Yehova katika nabii-mchungaji Wake. Sasa, tutamchukua tu labda mmoja, kama tuna wakati, kwa kama dakika zingine kumi. Tutawachukua wawili wa hao, lakini labda huyu atakuwa ni sawa.

¹³³ Musa; Yehova anajionyesha Mwenyewe hapa, katika nabii-mchungaji huyu. Alipewa karama tatu kuthibitisha huduma na wito wake kwa wazee wa Israeli, na kwa Farao. Mwangalie huyu nabii-mchungaji, sasa. Yeye huwapa, daima, manabii Wake, ishara ya kimbinguni, kuthibitisha ya kwamba ilikuwa ni Mungu ndani yao; kwa kuwa hakuwezi kuwa na uwepo wa Mungu bila mambo ya kimbinguni kutukia. Kamwe Yehova hajapata kutokea bila ya mambo ya kimbinguni kumfuata. Hayana budi kumfuata. Kwa hiyo daima Yeye alijithibitisha Mwenyewe ya kwamba alikuwa pamoja na manabii hawa, kwa kuthibitisha yale waliyokuwa wakitabiri, kama yalikuwa ni kulingana na Neno Lake.

¹³⁴ Sasa, ishara-ishara ya kwanza aliyowapa nanii... huyu nabii-mchungaji (angalia), alibadilisha fimbo yake ikawa nyoka.

¹³⁵ Ya pili, mkono wake uligeuka ukawa na ukoma.

¹³⁶ Ya tatu, kuchukua maji ya Mto Nile huko Misri, na kuyageuza kuwa damu.

¹³⁷ Sasa, Yeye alimpa ishara tatu kuithibitishia Misri, na pia Israeli, ya kwamba Yeye alikuwa ni Neno lililonenwa la Mungu.

¹³⁸ Sasa, kumbukeni, Musa alinena vitu vikaumbwa! Hiyo ni kweli. Alichukua mchanga na kuutupa juu hewani, na kusema, "Viroboto na waje," na viroboto wakaja. Kasema, "Nzi na waje," ndipo nzi wakaja. "Vyura na waje," nao vyura wakaja. Aliumba! Sasa, mwanadamu hawezi kuumba, bali kwanza haikuwa ni mwanadamu. Ilikuwa ni Yehova katika nabii-mchungaji Wake! Amina!

¹³⁹ Angalia! Ishara ya tatu aliyompa haikuwa inahusu kazi yake, wala haikuhusu utu wake; ishara yake ya tatu. Angalia, ishara mbili za kwanza zilimhusu yeye, yeye mwenyewe na kazi yake. Na ndizo ishara mbili pekee ambazo Biblia inasema kwamba "zilikuwa na sauti." Hiyo ishara nyingine haikuwa na sauti. Lakini ishara hizo mbili zilizotolewa kwa nafsi yake, na

kwa watu wake, zilikuwa na sauti. Lakini ishara ya tatu, sasa angalia, ilitolewa . . . ile ishara, ishara ya tatu, ilikuwa ni ishara ya mauti: maji kugeuka kuwa damu. Kama ninii yako—kama ninii yako—kama damu yako ingegeuka iwe maji, basi ungekuwa. Na palipo na damu, damu iliyomwagika, ni ishara ya mauti; ndivyo ilivyokuwa kwa Farao. Ya tatu ilikuwa ni kugeuza maji ya Nile kuwa damu, ilikuwa ni ya kuonyesha—kuonyesha Ujumbe Wake kwa Farao ya kwamba Mungu wetu ni Mungu juu ya Nile, juu ya mungu wa Nile. Yeye ni Mungu juu ya kila kitu, Naye ataleta mauti kwa taifa hilo. Na hivyo ndivyo hiyo ishara ya damu ilivyokuwa. Loo, jamani! Ishara ya moja kwa moja ya mauti: damu!

¹⁴⁰ Lakini hizo zingine mbili zilikuwa na sauti za unabii. (Na—na—natumaini mnasoma sasa, katikati ya mistari, yale ninayosema.) Lakini hizo ishara zingine mbili zilikuwa na sauti ya unabii kwa Israeli kuhusu siku zao za usoni. (Sasa kwenu mliokuwa huko juu ya mlima si muda mrefu uliopita, wakati jiwe lilipotupwa juu.)

¹⁴¹ Sasa, na kuenda . . . yeye alikuwa anaenda kubadilisha maumbile, kuyafanya yatende kazi kwa ajili yao. Angalia ule mti, angalia yule nyoka, angalia Bahari ya Shamu, na chochote alichofanya, sasa. Angalia hiyo fimbo ya mchungaji ikiwatengenezea njia ya kupitia. Fimbo hiyo iliyokuwa mkonomi mwa mchungaji, ilikwepa kila kipengetee cha theolojia na mambo yote makuhani waliyokuwa wamesema, na fimbo hiyo ya mchungaji iliwaongoza kote kote kupitia kwenye kila kitu kisichowezekana (kwa mwanadamu). Wakati Farao alipojaribu kuwazia ya kwamba “maporomoko ya maji yalifoka huko juu ya milima na kutupa maji, ndipo yakayafanya yageuke kuwa damu,” ndipo Mungu akanyesha moto kutoka mbinguni. Na akanyesha mvua ya mawe kutoka mbinguni, Naye—Naye akanyesha chawa juu ya nchi, na kila kitu.

¹⁴² Yeye alifanya nini? Kwa fimbo hiyo ya mchungaji, si ki—kitabu cha kiada, si wazo la mwanatheolojia, bali fimbo ya mchungaji! Tutaifikia katika dakika moja; fimbo ya mchungaji, Yeye alifanya jambo hilo. Si kitabu cha maombi cha ki—kimadhehebu, bali fimbo ya mchungaji. Fimbo ya mchungaji ikiwaongoza kondoo wake, ikifanya njia wazi walipokuwa wakielekea kwenye Neno la ahadi kwenye ile nchi. Hicho ni kitu kizuri jinsi gani leo cha Fimbo ya Mchungaji, leo, ikiwaongoza kondoo Wake kwenda kwenye ile Nchi ya Ahadi; ikikwepa theolojia zote na kitu kingine chochote cha ulimwengu huu, na mambo ya ulimwengu, na madhehebu, kila kitu; ikifungua njia, na kuthibitisha Neno Lake kuwa ni Kweli; Fimbo ya Mchungaji ikitangulia.

¹⁴³ Na tazama, fimbo hiyo hiyo ya mchungaji iliyokuwa ikiwaongoza kondoo . . . Mnaamini jambo hilo? Hakika aliwaongoza kondoo, aliwakomboa kutoka Misri kwa fimbo

hiyo mkononi mwake. Tungeweza kusema mengi zaidi juu yake. Lakini kufikia kwenye upeo wake, ye ye aliwaongoza kondoo na akatuma hukumu juu ya waliokataa Huo! Fimbo ile ile iliyokuwa baraka kwa mmoja, ilikuwa ni laana kwa hao wengine. Maji yale yale (ya mahubiri ya Nuhu) yaliyomwokoa, yaliuhukumu ulimwengu. Fimbo ile ile iliyowaongoza Israeli kwenda kwenye nchi ya ahadi, iliwhahukumu wale ambao walikataa kumfuata nabii-mchungaji. Hiyo ni kweli, ikawa ni fimbo ya hukumu.

Maumbile; angalia jinsi Mungu anavyozungumza katika maumbile Yake. Laiti tungalikuwa tu na wakati. Niliandika mihtasari pale: Mungu akinena katika maumbile Yake. Hatuna wakati wa kuthibitisha jambo hilo.

¹⁴⁴ Lakini kuthibitisha baadaye, kwa nyoka wa shaba juu ya konzo la kondoo la mchungaji (ambalo alimzungusha nyoka huyu, huko nyikani), hili linazungumza juu ya upatanisho wa kweli ukija kwa ajili ya magonjwa na dhambi.

¹⁴⁵ Fimbo hiyo yenye ilikuwa imegeuka kuwa nyoka mbele ya Farao, na Farao yule yule alijaribu kuiga kwa wachawi. Na vivyo hivyo na Farao wa siku hizi za kisasa, na wanaojifanya waaminio, waigaji wa kimwili wa Ujumbe, wanajaribu kuiga jambo lile lile bila kujua mahali linakotoka; na kuliingiza katika kitu fulani cha kimadhehebu, wakati Liko huru kwake kama hewa isivyoweza kuzibwa. Hakika! Lakini kujaribu kuiga, kufanya maigo.

¹⁴⁶ Lakini, angalia, fimbo ii hii ya mchungaji iliwala hao nyoka wengine. Hao nyoka walikuwa wapi? Walikuwa fimbo sakafuni, na kulikuwa na fimbo moja tu iliyotwaliwa. “Mbingu na nchi zitapita,” kasema Yesu, “bali Neno Langu halitapita.” Inanena juu ya upatanisho wa kweli ukija kwa ajili ya dhambi.

¹⁴⁷ Pia, siku za usoni za Israeli zilitoa...na hapo ambapo nilizungumza juu ya Israeli, sasa katika siku za usoni... Hapo walikombolewa kutoka kwenye kifungo cha mauti na nabii-mchungaji. Walitolewa kifungoni na nabii-mchungaji kwa fimbo. Unaona? Ilikuwa ikizungumza juu ya Mkombozi wa siku za usoni wa Israeli, kutoka mautini na kuzimu, kwa Nabii-Mchungaji ambaye tutazungumza habari Zake.

¹⁴⁸ Sasa, kwa wote ambao...wote kama tunavyowajua Israeli, hawakupokea Neno la nabii-mchungaji, Israeli wote hawakulipokea. Sasa, angalia, walikuwa wakilalamika. “Loo,” wakati alipokuwa akifanya miujiza, “alikuwa ni mtu mkuu,” bali wakati ilipofikia kwenye Ujumbe wake, “huo ulikuwa ni tofauti.” Ishara zote kubwa hufuatana na ujumbe mpya unaokuja. Tunajua hilo. Huko nyikani walilalamika, huko nyikani, nao wakafa kwa maelfu. Kusema kweli, hakukuwa na wawili pekee waliopata kupita ambao waliokolewa kutoka

katika watu milioni mbili na nusu, wawili kutoka katika milioni mbili na nusu.

¹⁴⁹ Unasema, “Hiyo...Ni jambo gani lililowapata?” Wamepotea Milele.

¹⁵⁰ “Hao wote, Ndugu Branham?” Yesu alisema hivyo.

¹⁵¹ Walisema, “Baba zetu walikula Mana jangwani, na waliunywea ule Mwamba.”

¹⁵² Naye...Yesu alisema, “Nao, kila mmoja, amekufa,” wametengwa Milele, unaona, kila mmoja wao.

¹⁵³ Angalia walilalamika kuhusu njia iliyoandalowi na Mungu, ndiyo sababu walikufa. (Sasa, kwa makini, msikose matamshi haya machache ya mwisho.) Walilalamika! Kilichowafanya wafe nyikani, wao walilalamika kuhusu njia iliyoandalowi na Mungu: kwa Ujumbe wa mtu mmoja, nabii, uongozi wa mtu mmoja. Niambie ambapo Mungu aliwahi kutumia kundi kuongoza. Hutapata hilo katika Biblia. Mtu mmoja, wao... Neno lilimjia Musa!

¹⁵⁴ Kora; sote tunajua ya kwamba a—alijiandaa na kulalamika juu ya Mungu kutokuwa mwenye haki, kufanya jambo kama hilo, kumfanya mtu mmoja kuwa na Ujumbe. Yeye alisema, “Sisi sote ni watakatifu. Kwa nini tusiunde dhehebu? Na kwa nini hatuwezi kuwa na....kuunda *hili*, na kufanya *hili*, na kufanya *lile*?”

¹⁵⁵ Mungu alimwambia Musa, “Jitenge naye, nimechoshwa na jambo hilo.” Pia kumbuka, Yuda anasema jambo lile lile, katika siku za mwisho. Hiyo ni kweli, “Waliangamia katika maasi ya Kora.” Pia tunajua kile kilichompata Kora na—na hao wengine walioliswali Neno la Mungu na hekima ya Mungu juu ya huo uongozi wa mtu mmoja: kila mmoja wao aliangamia.

¹⁵⁶ Sasa, tutamwona Mungu katika nabii-mchungaji, akionyesha mipango yake ya usoni katika sauti nyingine ya ishara. Sasa, angalia. Tunalionia *pale*, sasa hebu na tuliangalie katika ishara ya pili.

¹⁵⁷ Sasa, angalia, alitumwa kwa ndugu zake waliokuwa utumwani, chini ya utumwa, akiwa na Ujumbe wa ukombozi, akiwa na ishara aliyopewa na Mungu kuthibitisha madai Yake. Israeli waliifuata Ujumbe wake, waliumini, kila mmoja wao, bali wakati wa jioni... Waliifuata miujiza yake, bali wakati wa jioni wakati wao... alitoa Ujumbe wake, “Ulikuwa ni tofauti.” Wote ambao hawakuamini Ujumbe huo, walikufa. Hiyo ni kweli. Ujumbe huo ulikuwa ni nini? Huo Ujumbe ulikuwa ni wa hukumu ijayo. Jioni, wakati wa jioni, Mungu alitoka akapitia kwenye kambi ya Israeli kuona kama watu walikuwa wameamini Ujumbe wa nabii-mchungaji Wake; na wote ambao hawakuwa wameuamini, waliangamia.

¹⁵⁸ Sasa angalia, tutalileta huku kwenye Mchungaji Mkuu kwa dakika chache tu. Mnaona? Angalia huduma ya Nabii Mchungaji Mkuu. Kuhusu miujiza Yake, kila kanisa lilifunguliwa na lingempokea. Walitaka wagonjwa wao waponywe. Walitaka kufanya mambo makuu. Alipendwa sana na watu. Lakini hapo wakati wa jioni ulipofika, siku moja baada ya kuyageuza maji yakawa divai, na alikuwa amewalisha maelfu, mkate, na alikuwa amefanya miujiza, Yeye alianza kuketi chini na kuzungumza nao. Ndipo akawaambia, “Mimi na Baba Yangu ni mmoja. Basi wewe wasemaje, ‘Utuonyeshe Baba?’”

¹⁵⁹ “Loo, ndugu! Mtu huyu anajifanya sawa na Mungu?” Hilo lilikuwa limezidi sana kwa mawazo yao ya kikanisa. Lakini ilikuwa ni Kweli, Yeye alikuwa hivyo! Mnaona? Lakini wakati walipofanya hivyo, wengi hawakumfuata.

¹⁶⁰ Kisha akageuka na kusema, “Msipoula Mwili wa Mwana wa Adamu, na kuinywa Damu Yake, hamna Uhai ndani yenu.”

¹⁶¹ Sasa, unafikiri mtu mwerevu, mwenye akili angeliwazia nini? Nadhani makuhani waliokuwa wamemwalika hekaluni waliona—waliona aibu sana ku—kuwa Naye pale. “Kuwazia kwamba mtu angesimama na kusema kitu kama hicho, “Ninyi watu msipoula Mwili Wangu, na kuinywa Damu Yangu.” Wakasema, “Hiki ni kizuu kifyonza damu ya mwanadamu, mnaona, ‘Ati kula Mwili Wangu na kuinywa...’ Mbona, yeye ni mla watu. Ninyi watu wenye mawazo mema mtaninii... mtamwondokea mwenda wazimu kama huyo.”

¹⁶² Yeye kamwe hakuelezea jambo Hilo, alilisema tu! Alifanya hivyo apate kuwakwaza, kuwatenga kondoo Wake na mbuzi. Alifanya hivyo apate kuwatupilia mbali. Ndipo basi hakuna mtu aliyetaka kushirikiana Naye. Hawakuwa na ushirikiano wowote tangu wakati huo na kuendelea. Mnaona?

¹⁶³ Angalia, wakati wa jioni, Mungu alitoka akapitia kambini na akaona ni nani alikuwa ameamin. Naye alifanya jambo lilo hilo katika zile siku za yule Mchungaji Mkuu. Angalia huduma ya Nabii Mchungaji Mkuu, lakini angalia hili, kwa waaminio wa Ujumbe Wake, bali sio... Ujumbe huu wa jioni, hawangeuamini. Wasingeamini ya kwamba Yeye alikuwa ni Mungu. Walitaka kumfanya mtu mzuri. Walitaka kumfanya nabii. Alikuwa ni mtu mzuri, na alikuwa ni Nabii, bali alikuwa ni zaidi ya huyo. Hayo ndiyo mafundisho ya kawaida siku hizi, ya kwamba “Yeye ni mtu mzuri tu, Yeye alikuwa Nabii.” Hakuwa kitu pungufu ya Imanueli! Alikuwa Mungu aliyedhihirishwa katika Yesu Kristo Mwanawe, ikimfanya Yeye na Baba kuwa mmoja. Hivyo tu ndivyo angaliweza kuwa.

¹⁶⁴ Zekaria 14:7, huenda nikasema jambo hili, inazungumza juu ya Nuru za jioni na Ujumbe tena wakati wa mwisho. Je! uliliona jambo hilo? Kadiri wengi waliomfuata Musa, waliliona ile Nguzo ya Moto iliyomtambulisha juu ya Mlima Sinai. Yeye

alikuwa ameishuhudia, na akazungumza juu ya hii Nguzo ya Moto ikiwa katika kijiti na ilikuwa imemwambia Ujumbe huu, wengi wao wasingeamini Hilo. Lakini kadiri wengi waliomfuata kutoka Misri (waliotoka ulimwenguni na kuvuka bahari ya utengano, na wakaingia nyikani), waliona Nguzo ile ile ya Moto (aliyonena habari zake) ikimthibitisha nabii mchungaji huyo kwamba ndiye mchungaji wa kondoo. Waliiona, na wengi wao bado hawakuiamini baada ya kuiona.

¹⁶⁵ Angalieni ambavyo, tena, Mungu asiyebadilika, Yule Nabii Mchungaji Mkuu, alivyowachukua wale waliokaa karibu Naye na pamoja na huduma Yake kwenye Mlima wa Mzeituni; yule Nabii Mchungaji Mkuu, Yule tunayenena habari Zake, Yesu. [Sehemu tupu kwenye kanda—Mh.] . . . ? . . . na kumsikia Baba (Nguzo ile ile ya Moto) ikimthibitisha, ambayo ilimthibitisha Musa.

¹⁶⁶ Mungu yeye yule ambaye Musa alinena habari Zake, alikuja juu ya Musa na kuthibitisha kwa Nguzo ya Moto ya kwamba Yeye alikuwa ni Yehova aliyekuwa akimwongoza Musa. Mungu alikuwa ndani ya nabii mchungaji Wake.

¹⁶⁷ Hapa anamchukua yule Nabii Mchungaji mwingine, yule Nabii Mkuu, yule Kondoo Halisi, Yesu, na kuwachagua watu watatu, na kuwapeleka juu ya Mlima wa Mizeituni, na kule akamthibitisha Yesu. Na hata akajitenga Mwenyewe na watu wengine wote, kasema, “Huyu ni Mwanangu mpandwa Wangu, msikieni Yeye!” Na walipoangalia juu, hawakumwona mtu ila Yesu peke yake. Hiyo ni kweli. Alikuwa Ndiye. Sasa, hilo latosha, nijuavyo mimi. Unaona?

¹⁶⁸ [Sehemu tupu kwenye kanda—Mh.] . . . ? . . . [Sehemu tupu kwenye kanda.] . . . ? . . . uso. Musa alikuwa mbele ya Shekina juu ya Mlima Sinai. Ilbadilisha uso wake. Wakati aliposhuka, ilimbidi ku—kuweka utaji juu ya uso wake, nabii mchungaji Musa; ambaye Yehova alikuwa ndani yake, kwa sehemu, sehemu tu, uso wake. Alikuwa na Neno kinywani mwake.

¹⁶⁹ Lakini angalia wakati yule Nabii Mchungaji Mkuu alipokuwa katika uwepo wa Shekina. Ilifanya nini? Ilbadilisha sura Yake yote. Yeye hakuwa tu sehemu ya Mungu, Yeye alikuwa ni Mungu kamili! Alikuwa Imanueli.

Ni kwa nini ilibidi iwe ni wachungaji?

¹⁷⁰ Angalia! Mnaona, sasa, Mwenyezi Mungu akifanya doria . . . akijifafanua Mwenyewe, hasa, katika nabii-mchungaji Musa. Angalia jinsi Mungu alivyojitambulisha Mwenyewe. (Hili ndilo tamshi langu la mwisho.) Mnamwona Yeye, amesimama ametiwa mafuta kwenye uwepo wa Nguzo ya Moto! Hakuna mtu mlimali kabisa ila Musa na Yehova. Amina! Amina maana yake ni “na iwe hivyo.”

¹⁷¹ Angalia! “Weka mkono wako kifuani mwako!” Lakini, angalia hii ishara ya pili sasa iliyo na sauti. “Weka mkono wako

kifuani mwako.” Hatuna sababu ya kuamini ya kwamba Musa alitumia mkono wa kushoto, kwa hiyo hakuna budi aliweka mkono wake wa kuume kifuani mwake, maana watu wengi hutumia mkono wa kulia. Aliweka mkono wake wa kuume... Sasa angalia! Ni picha ya jinsi gani tunayoona hapa, ya Yehova katika Musa nabii-mchungaji! Musa akimwakilisha Mungu, maana Mungu alikuwa ndani ya Musa. Mwangalie akiweka ninii yake... “Mkono wako kifuani mwako.” Ni ishara jinsi gani!

¹⁷² Sasa, huyo hapo amesimama, ameweeka mkono wake wa kuume juu ya moyo wake (amesimama *hivi*) ambapo siri za ukombozi zilikuwa zimefichwa tangu kuwekwa misingi ya ulimwengu. Hii hapa kwa nini wachungaji. Yesu ndiye mkono wa kuume wa Mungu, sote tunajua. Huyo hapo Musa akimwakilisha kikamilifu. Yeye alishikilia siri za Baba, naye anatuonyesha hiso. Angalia, mwangalie akitoa toka katika kifua chake mkono wake wa kuume uliopigwa kwa ukoma mbaya. Ilionyesha yale Mungu angefanya kwa Mkono Wake wa Kuume. Angalia, ukoma hauna tiba. Angalia, tena, haukuwa tu ni ukoma wa kawaida, ulikuwa katika hatua yake ya mwisho, mweupe kama thelujii; mkono wake ulikuwa umepigwa na kitu kibaya sana. Jinsi ambavyo hapana budi Musa alijisikia wakati alipotoa mkono wake wa kuume toka kwenye moyo wake, kutoka kifuani mwake, na mkono wake ulikuwa umepigwa kwa ukoma! Ukoma unaonyesha dhambi, isiyotibika, na hasa sana katika hatua yake ya mwisho.

¹⁷³ Na, ndugu, hapo ndipo ulimwengu ulipokuwa wakati Mungu alipouvuta Mkono Wake wa Kuume kutoka kifuani Mwake! Ulimwengu ulikuwa umepigwa kwa ukoma mbaya sana, wala hakuna tiba kwa ajili yake hata kidogo. Ndivyo ilivyo usiku wa leo, kwa maana wao hawataipokea tiba yake. Hiyo dawa ilitolewa pale Kalvari, bali watu wanataka kuchukua maagizo ya kujibunia badala ya maagizo ya Mungu kwa ajili ya dhambi.

¹⁷⁴ Angalia haukuja polepole, kama vile kawaida ya ukoma inavyofanya, bali mara moja! Wakati alipoutoa mkono wake, ulikuwa umepigwa, ulikuwa umejaa ukoma. Angalia kile Mungu alichosema, “Sasa, hutachukuliwa na dhambi polepole; bali siku utakayokula, siku hiyo utakufa.” Na hiyo ni kweli, “Siku utakapokula.”

¹⁷⁵ Angalia, nabii-mchungaji ndiye aliyejipiga. Yeye alichukua, kwa amri ya Mungu, na akauweka mkono wake kifuani mwake, kisha akautoa umepigwa na ukoma. Nabii-mchungaji alifanya jambo hilo mwenyewe. Na yule Nabii-Mchungaji Mkuu, Yesu, alifanya hivyo Mwenyewe, “Ninauweka uhai Wangu chini, hakuna mtu anayeutoa Kwangu.” Yeye alikuwa Mchungaji Mkuu, yule Nabii-Mchungaji Mkuu, “Hakuna mtu anayeutoa Kwangu, ninafanya hivyo Mimi Mwenyewe.” Angalia haukuja polepole, ulikuja katika dakika moja. Mchungaji Mkuu, Mwenyewe, alichukua hatia yetu na akajipiga Mwenyewe,

akachukua dhambi zetu na kuziweka juu ya nafsi Yake. Si ajabu yule mshairi aliandika:

Huku miamba ikipasuka na mbingu zikiingia
giza,
Mwokozi wangu aliinamisha kichwa Chake na
akafa;
Pazia lilitofunguka lilifunua njia
Ya kwenda kwenye furaha za Mbinguni na siku
isiyo na mwisho.

¹⁷⁶ Hiyo siri ilikuwa kifuani mwa Mungu miaka hii yote, imefunikwa na mkono Wake wa kulia, Yesu. Mchungaji Mkuu alijitwika dhambi zetu. Isaya 53:6, ilisema, “Alijeruhiwa kwa makosa yetu. Alichubuliwa kwa maovu yetu. Adhabu ya amani yetu ilikuwa juu Yake. Na kwa kupigwa Kwake sisi tumepona.” Siri ya uponyaji wa Mungu ilikuwa kifuani mwa Yesu Kristo, ama Mungu, Yeye alikuwa kwenye mkono wa kuume wa Mungu, huyo ndiye Kondoo pekee aliyeshikilia siri kifuani Mwake. Hiyo ndiyo sababu vivuli Vyake daima vilipaswa kuwa kondoo! Wa kwanza alikuwa ni kondoo, wa mwisho alikuwa ni Kondoo. Hiyo ndiyo sababu ilibidi ije kwa mchungaji, apate kujua jinsi ya kushughulikia Kondoo wake. Mnalipata? Angalieni, “Alijeruhiwa kwa makosa yetu, akachubuliwa kwa maovu yetu, adhabu ya amani yetu ilikuwa juu Yake.”

¹⁷⁷ Angalia, ulikuja upesi; na ukaondoka upesi, mara tu mkono wa kuume ulipotolewa kutoka kifuani mara ya pili. Ugonjwa huo mbaya ulikuwa umeondoka, alipoutoa mara ya pili. Na wakati yule Mchungaji Mkuu, Kondoo-Nabii, wakati Yeye aliposema... Juu ya msalaba wa Kalvari, akiisha kulipa adhabu ya dhambi kwa ajili ya sisi sote, Yeye alisema, “Imekwisha.” Dhambi ilikuwa imekwisha, adhabu ilikuwa imelipwa, madeni yalilipwa! Haikuchukua mwaka mzima, ama hatimaye kuingia ndani yake katika siku za watengenezaji wengine ama chochote kile, ilimalizika papo hapo!

¹⁷⁸ Dhambi ilikuja mara moja, kwa kukiuka Sheria ya Mungu, kwa kuvunja Neno moja. Usiku wa leo, ndugu zangu, nafsi yako iko juu ya kuzimu kwenye mnyororo. Na mnyororo huo si baadhi ya mafundisho fulani ya kitheolojia, mnyororo huo si baadhi ya madhehebu fulani wala kanuni fulani za imani ambazo unaishi kwazo, mnyororo huo ni Neno la Mungu! Yesu aliipa jamii ya binadamu Neno Lake wapate kuishi kwalo, naye Hawa alivunja tu kiungo kimoja kidogo Chake. Na ninii... mnyororo wowote hauna nguvu zaidi ya kiungo chake kilicho dhaifu kabisa. Unapotoa Neno moja... Hiyo ilikuwa ni mwanzoni mwa Kitabu Hicho.

Yesu alikuja katikakati ya Kitabu, na kusema, “Mtu hataishi kwa mkate tu, bali kwa kila Neno litokalo katika kinywa cha Mungu.” Hapo ni katikati mwa Kitabu.

Mwishoni mwa Kitabu, Yeye alisema, “Mtu ye yote atakayeondoa Neno moja (kutafsiri vibaya Neno moja), aondoe Neno moja kutoka Hapa, nitamwondolea sehemu yake katika Kitabu cha Uzima.” Unapitia kuzimuni, ukining’inia kwenye Neno la Mungu. Usiache mtu yeyote akuingizie kitu fulani ndani yako ambacho si BWANA ASEMA HIVI!

¹⁷⁹ Loo, ninaona... Vema, wanasema, “Hakika, yote tuliyofanya. Yote tuliyofanya!” Hivyo ndivyo labda makuhani wakuu na hao wengine walivyowazia katika siku za Mchungaji Mkuu. Hivyo ndivyo Hawa alivyofikiri. Hivyo ndivyo Shetani alivyomwambia, “Hakika Mungu hatafanya hivyo.” Lakini alifanya, maana Yeye alisema atafanya. Na hiyo ndiyo sababu atafanya hivyo tena leo.

¹⁸⁰ Si ajabu, kama Yeye alivyosema, “Kama ilivyokuwa katika siku za Nuhu, ambapo watu wanane waliokolewa, kwa maji, ndivyo itakavyokuwa katika kuja Kwake Mwana wa Adamu.” Mnaona, wachache sana, “Kwa maana mlango ni mwembamba, na njia imesonga iongozayo Uzimani, bali ni wachache watakaoiona.” Hiyo ni kweli. “Maana njia ni pana inayoongoza kwenye maangamizi, wengi wataipitia.”

¹⁸¹ Wakati yule Mchungaji Mkuu alipopigwa, yule Nabii-Kondoo Mkuu, wakati alipopigwa kule nyuma, Yeye alisema, “Imekwisha!” Na dakika hiyo, mara Mchungaji huyu alipopigwa, ilikwisha. Dhambi ililipwa, hakukuwako na dhambi tena. Walikuwa safi, adhabu ililipwa. Waaminio ambaao majina yao yalikuwa yameandikwa katika Kitabu cha Uzima, waliochaguliwa tangu zamani tangu kuwekwa misingi ya dunia, ilikwisha dakika hiyo hiyo ambayo Yesu alisema imekwisha. Yeye, yule Mchungaji Mkuu, alikuwa amewajia kondoo Wake. Ilikuwa imekwisha, mkono wa kuume wa Mungu ultolewa kutoka kifuani Mwake, umepigwa. Ndipo kwenye Pasaka Yeye aliurudisha (amina), akauiinua tena kifuani mwake, na kuusogeza chini kwako na kwangu, katika umbo la Neno Lake, apate kutukomboa kuturudisha kwenye bustani ya asili ambamo dhambi ilitutoa huko. Siri iliyofichwa ya moyo Wake mkuu ilifunuliwa na Nabii-Mchungaji. Ilifunuliwa na Mchungaji, Nabii-Mchungaji.

¹⁸² Si ajabu milima iliruka na kupiga makelele siku hiyo. Si ajabu juu lilificha uso wake na kupiga makelele kwa shangwe. Si ajabu maumbile yote yalifunguka; upopo uliitikisa miti mpaka ikatikisika na kutikisika, na ikafurahi, na kuruka. Ilimwona Nabii-Mchungaji, juu ya mlima, akilikomboa kila jina lililo katika Kitabu cha Uzima. Na iliona ya kwamba asili yao wenyewe ilikombolewa! Ilipaza sauti, na kuruka. Nao ulimwengu ukaingia katika tetemeko la nchi. Na milima ikapasuka, na miamba ikaanguka. Na jua likatua. Na—na kila kitu kilitukia. Kama vile mkutano wowote, wakati Mchungaji anapokufunulia ya kwamba “imekwisha!” Hapo...

¹⁸³ Nimeona vipindi nya kuruka, na vipindi nya furaha, bali hapakuwapo na mtu ye yote aliye dhuriwa. Milima ilipiga makelele, nao... jua lilitua, na kila kitu kilitukia, lakini hakuna mtu aliye umia. Pia nimeona mikutano ambapo nguvu za Mungu zilifunuliwa kwa watu ya kwamba "walikuwa huru na ulimwengu na mambo ya ulimwengu," na furaha ya Bwana ililijaza kusanyiko. Walisimama na kupiga makelele, na kulia, na kupaza sauti kwa nguvu sana, kwa utukufu wa Mungu. Kamwe sikuona jambo lolote lisilo katika utaratibu, daima walikuwa katika utaratibu kabisa; kwa sababu walikuwa wametambua kwamba, jina lao lilikuwa limeandikwa kwenye Kitabu cha Uzima cha Mwana-Kondoo kabla ya kuwekwa misingi ya dunia. Yule Nabii-Mchungaji mkuu alikuwa amewaletea Ujumbe, nao wakakombolewa, Nabii-Mchungaji. Haidhuru milki zingine za kikanisa zilisema nini juu Yake, wao walijua ni jambo gani lilikuwa limetukia. Kama tu vile wachungaji hao walivyofanya kule nyuma, walijua ni jambo gani lililotukia.

¹⁸⁴ Hakuna mtu aliye na haki ya kuingia kwenye dawati takatifu kuhubiri Neno mpaka amefanya jinsi Musa alivyo fanya, kukutana na Mungu, mwenyewe, juu ya msingi ambapo hakuna mwanatheolojia anayeweza kulielezea vinginevyo. Musa alikuwa pale! Haidhuru jinsi wajumbe wa Israeli walisema, "loo, ilikuwa ni upuuzi, uliwazia tu uliona hili; ni upuuzi," usingeweza kuondoa Hilo kwake, yeye alijua! Alikuwapo pale! Lilitukia kwake! Na hakuna mtu kwa di—digrii yake ya kitheolojia ama digrii fulani ya udaktari ana haki nyuma ya mimbara, kudai Ujumbe wa Yesu Kristo, mpaka kwanza amekutana na Mungu uso kwa uso katika Nguzo ya Moto. Yeye hana haki ya kijiita mjumbe, maana wanatheolojia wote duniani wasingeweza kukuelezea Hilo vinginevyo. Lilitukia kwako! Ulikuwa pale, unajua habari Zake. Hujali mtu mwengine yeyote anasema nini, ama ni kiasi gani wanaweza kusema, "hizo siku zimepita, sivyo ilivyo," wewe... lilitukia kwako, na ni kulingana na Neno.

¹⁸⁵ Naam, hiyo ndiyo sababu Musa alijua Sauti hii iliyokuwa imesema naye, ilikuwa ni Sauti ya Neno. Yeye alijua ya kwamba Mungu alikuwa amemwambia Ibrahim, "Uzao wako utakwa mgeni kwa muda wa miaka mia nne, bali nitawakomboa." Naye alijua hiyo miaka mia nne ilikuwa imekwisha na alikuwa ameitwa kufanya hivyo.

¹⁸⁶ Enyi wanaume kwa wanawake, Mungu aliahidi katika siku hizi za mwisho ya kwamba Yeye angewamwagia watu wote Roho Yake. Aliahidi angetuma Ubatizo wa Roho Mtakatifu, Naye angemwita Bibi-arusi bila waa wala kunyanzi. Aliahidi kufanya hivyo, Yeye atafanya. Usiwasikilize hawa wachungaji wa kukodishwa, watakupoteza. Roho Mtakatifu ndiye Mchungaji wa kukulisha chakula cha kondoo kutoka kwenye Neno hili. Daima linakuja kwa Mchungaji. Yeye ndiye Mchungaji wetu.

Msikieni, ninyi ni kondoo wa zizi Lake; kama ndivyo mlivyo, mnaisikia Sauti Yake. Si yale mtu mwengine ye yote asemayo, mnasikia yale asemayo. Sauti ngeni, hamna habari nayo.

¹⁸⁷ Loo, jamani, msikilizeni nabii-mchungaji mwenye nguvu tena, akitafsiri na kuwajulisha, Yohana (wakati aliposimama katika mto Yordani), angalia yale aliyo sema (alikuwa amesimama pale, akihubiri), alisema, “Saa inakuja . . .”

¹⁸⁸ Angalia, Yohana alikuwa ni mwana wa kuhani. Daima walifuata shu—shughuli za baba yao, hivyo ndivyo tulivyopata majina yetu. Kwa chochote walichofanya, waliwaita hicho. Na Yohana alipaswa kuwa kuhani kama baba yake.

¹⁸⁹ Na, mwajua, mama huyu, wakati alipopata mimba, baada ya Malaika wa Bwana kukutana na baba yake Zakaria, na akaenda nyumbani kwa Elisabeti, naye tayari alikuwa na ninii ya miezi sita katika . . . kuwa mja-mzito. Lakini hakuwa na uhai bado, alikuwa ana hofu maana mtoto huyo mchanga hakuwa amecheza. Hilo si jambo la kawaida.

¹⁹⁰ Naye Roho Mtakatifu, Malaika wa Bwana alimtokea Mariamu, na kumwambia ya kwamba yeye “atachukua mimba, bila kumjua mwanamume,” na akamwambia kuhusu hali ya Elisabeti.

¹⁹¹ Alipanda kwenda kwenye milima ya Yuda, kumwambia Elisabeti. Na wakati alipokutana na Elisabeti, alimwambia ya kwamba yeye “atakuwa mja-mzito.” Na hakuweza kulielewa jambo hilo, “pasipo kumjua mwanamume.” Lakini alisema, “Roho Mtakatifu alinitia uvuli, na akasema kitu hiki Kitakatifu nitakachokizaa kitaitwa ‘Mwana wa Mungu,’ nami nitamwita jina Lake ‘Yesu.’” Na mara ya kwanza ambapo jina Yesu lilipowahi kutajwa katika mdomo wa binadamu, maskini mtoto mchanga aliyekufa, katika tumbo la uzazi la mama yake, aliruka kwa furaha na kupaza sauti; na kuruka katika tumbo la uzazi la mama, na kamwe hakuwa amepokeea uhai bado.

¹⁹² Jina la Yesu Kristo lilynena uhai ukaingia ndani ya mtoto mchanga aliyekufa. Linapaswa kufanya nini katika kanisa ambalo linadai kuwa limezaliwa mara ya pili?

¹⁹³ Nasi tunaketi tumechachuka kama vivimbe kwenye achali, na kuachilia mambo kama hayo yaendelee. Na mtu unahofu kusimama na kushuhudia imani yako, na kulaani upuuzi huu wote, kumfanya Yesu Kristo yeye yule jana, leo na hata milele. Ni wakati wa Krismasi, ondoeni hawa akina Baba Krismasi na kadhalika, tupilieni mbali upuuzi huo wa kibashara. Ulisikia wapi kuhusu Baba Krismasi katika Biblia? Ni visasili vya Kirumi, havina maana hata kidogo, hakuna kitu kama hicho. Usiwafundishe watoto wako upuuzi kama huo. Wakati siku moja itakubidi kumwambia yote yalikuwa ni hadithi isiyio na mbele wala nyuma, basi umemanganya mtoto wako. Pia itaathiri ushuhuda wako kuhusu Yesu Kristo, yeye atasema, “Labda ni

jambo lile lile.” Mrudisheni Yesu Kristo yule Nabii-Mchungaji Mkuu katika Krismasi tena ambapo ndipo mahali Pake.

¹⁹⁴ Angalia, msikieni nabii huyu, Yohana, anaposimama pale. Sote tunajua ya kwamba ye ye ali kuwa nabii-mchungaji mkuu. Sasa, ye ye ali kuwa na ujumbe, Malaika alijua ya kwamba ali kuwa yuaenda kumtambulisha Yesu.

¹⁹⁵ Sasa, asingeweza kwenda kwenye seminari fulani. Wangesema, “Sasa, unajua ya kwamba Daktari Nanii ndiye mtu hasa wa kupachukua mahali hapo sasa. Utamtambulisha. Nawe unajua ya kwamba ninii tu...” Unaona, asingeweza kujichanganya na watu.

¹⁹⁶ Kwenye umri wa miaka tisa, tunaambiwa, ye ye alienda nyikani kuijandaa mbele za Mungu. Huko ndiko wachungaji walikotoka. Angalia ujumbe wake haukuwa kama wa mwanatheolojia, wenyen maneno makuu mno, na mazito ya digrii fulani. Yeye alisema, “Loo, enyi uzao wa nyoka.” Akiwaambia watu wa kidini, “Enyi kundi la nyoka.” Hao ndio aliokuwa amewaona nyikani, alimwona nyoka. Kitu duni sana alichoweza kuona kilikuwa ni nyoka, naye aliwaita hao makuhani na makasisi na wanatheolojia wa siku hiyo, “Kundi la nyoka!” Kasema, “Ni nani aliyewaonya kuikimbia ghadhabu ijayo? Msianze kusema, ‘Sisi ni wa *hili*, na sisi ni wa *lile*,’ kwa maana nawaambia ya kwamba Mungu anaweza kutoka kwenye mawe haya kumwinulia Ibrahimu watoto.” Mawe, yale aliyokuwa ameona nyikani. “Pia, shoka limewekwa kwenye shina la mti.” Hayo ndiyo aliyokuwa ameona: nyoka, miti, nyika. Na, unaona, huo ulikuwa ndio ujumbe wake. Yeye hakujua maneno mazito mno ya daktari fulani mkuu wa kiungu (angaliweza kuyaeleza yote vinginevyo), yeye alihubiri tu kulingana na mwelekeo wa maumbile.

¹⁹⁷ Hayo ndiyo tunayoonyesha hapa: fimbo ya mchungaji, mchungaji, kondoo, mkondo wa maumbile.

¹⁹⁸ Yeye alifanya nini? Alikuwa na jambo kubwa la kufanya, Alikuwa ndiye angemjua Masihi. Akasema, “Nasema, ‘Yeye amesimama hapa kati yenu sasa. Wala hamumjui, kwa maana theolojia yenu imewafunga sana, hamjui mahali mlipo.’”

¹⁹⁹ Siku moja Yesu ali kuja akitembea, akasema, “Tazama, yule pale anakuja Mwana-Kondoo wa Mungu aichukuaye dhambi ya ulimwengu.” Mwana-Kondoo! Haleluya! Ule Upatanisho halisi! Yule pale anakuja ambaye kila kondoo tangu Bustani ya Edeni na kuendelea ameonyesha kivuli, Mtu wa kawaida akishuka kwenda mtoni.

²⁰⁰ Wao walisema, “Yohana, ulijuaje jambo Hilo? Sikuona jambo lolote la tofauti.”

²⁰¹ “Lakini nashuhudia, nilimwona Roho wa Mungu akishuka kama hua, na Sauti ikitisema, ‘Huyu ni Mwanangu mpandwa ambaye ninapendezwa kukaa ndani Yake.’”

²⁰² Angalieni Hua na Mwana-Kondoo. Mnaona? Naam. Vipi kama ilikuwa ni ninii... Vipi kama ilikuwa kitu fulani... Vipi kama ingalikuwa ni mbwa mwitu amesimama pale? Vema, Mwana-Kondoo huyo asingalienda juu ya... ama huyo Hua... Mungu alijionyesha kwa mfano wa hua, ndege aliye mnyenyeketu kuliko ndege wote wa mbinguni; Mwanawe kwa kondoo, mnyama aliye mnyenyeketu kabisa kuliko wanyama wote duniani. Mnaona, ndege safi wa mbinguni, si kunguru; si koho, bali hua. Si nguruwe, bali mwana-kondoo. Asili nyingine yoyote isingeungana pamoja.

²⁰³ Basi angalia wakati Hua alipokuja juu ya Mwana-Kondoo, alimwongoza. Si jinsi Yeye angetaka aongozwe, bali jinsi Baba angemwongoza. Hivyo ndivyo mwana-kondoo halisi alivyo leo. Enyi kondoo wa wakati wa Krismasi, hivi hamjui ya kwamba Mungu huongoza tu kwa Neno Lake? Hiyo ndiyo fimbo Yake.

²⁰⁴ Angalieni hakuna kitu kingalitukia, bali Yohana alisema, "Hao wengine hawakumwona, bali ninashuhudia, 'Nilimwona.'" Akiwajulisha: "Tazama, Mwana-Kondoo wa Mungu azichukuaye dhambi za ulimwengu."

²⁰⁵ Naomba sasa niwasilishe Ujumbe Wangu wa Krismasi, na wakati nikifunga sasa: "Yesu Kristo, ye ye yule jana, leo, na hata milele." Ni Mwana-Kondoo ye ye yule. Yeye ni Mwana-Kondoo jinsi ile ile leo kama alivyokuwa wakati huo. Yeye yupo hapa tu kadiri alivyokuwa kule, kwa maana Neno Lake ni lile lile. "Walipo wawili watatu wamekusanyika katika Jina Langu, hapo nipo kati yao." Hivyo ndivyo alivyosema hasa. Yeye habadiliki, Yeye ni Mungu Neno. Habadiliki kamwe; angali anawapa kondoo Wake, na kuwalisha kwa Nabii-Mchungaji Wake, chakula Chake cha kondoo kwanza. Si kwa mwanatheolojia; kwa kondoo Wake.

²⁰⁶ Hawataninii... Hao wengine wanawezaje kukila. Lakini wenye hekima... Angalia hili! Lakini wenye hekima na akili, waliofunzwa vizuri wa ulimwengu, wangali wanapenda kusema kuna Baba Krismasi. Na kuna kila namna ya hadithi za uongo na upuuzi wanayoyaabudu, kwa kuwa hawatamkubali Yeye, lile Neno; kwa maana katika madhehebu yao, halipatani na ladha yao, hao wachungaji wa kuajiriwa wa siku hizi. Waaajiriwa kutoka kwenye kanuni ya imani, wanaotaka kuwaunganisha ninyi chini ya mbuzi mmoja, msiamini jambo hilo! Watawangoza machinjioni. Msikilizeni yule Mchungaji Mkuu aliyezaliwa miaka elfu moja mia tisa iliyopita, mwezi huu. Wakati mwininge huko ng'ambo, katika Ujumbe Wake, wanatokea wachungaji wa kweli waliojua jinsi ya kuwashughulikia kondoo.

²⁰⁷ Ukiangalia, wangali wanatamani jambo hilo. Hawatalikubali leo, kama vile vile ambavyo hawakulikubali wakati huo, kwa sababu halikidhi ladha yao ya kikanisa. Wanaligeuza hilo Neno na kulifanya likidhi shirika lao, nao

hawatalihubiri Neno. Hawatalihubiri! Wanasema, “Vema, hilo lilikuwa ni kwa ajili ya siku za mitume. Halimaanishi *hivi*.” Linamaanisha vile vile hasa linavyosema, halihitaji mtu yejote kuninii . . . ? . . . kuwafasiria Hilo.

²⁰⁸ Sasa hebu kwenye saa hii na tuinamishe vichwa vyetu na miyo yetu kuelekea mavumbi ya nchi, na tufanye hima sana kwenda kwenye hori, kuona na kupokea Nuru ambayo Neno hili linaleta kwa Mchungaji: yule Nabii-Mchungaji Mkuu, Yesu Kristo Mwana wa Mungu. Nimezungumza nanyi kirefu. Huenda sikuyapanga maneno yangu vizuri kama kasisi anavyopaswa kufanya, sijaribu kufanya hivyo. Ninajaribu kulinena jinsi tu Yeye anavyonipa Hilo.

²⁰⁹ Lakini, je! mnaona ni kwa nini ilibidi iwe ni wachungaji? Hao wengine walikuwa wamefundishwa sana katika wazo lingine mpaka wasingeweza kulipokea. Na siku hizi tuna kila namna ya viongozi, mhudumu wa wilaya, maaskofu, makasisi, makadinali, mapapa, kila kitu ulimwenguni, kujaribu kutuongoza. Lakini Mungu alitupa Mchungaji, na Mchungaji huyo ni Roho Mtakatifu.

²¹⁰ Nisikilizeni sasa. “Wakati Yeye . . .” (si wazo, *Yeye* ni kiwakilishi nafsi) “Wakati Yeye Roho Mtakatifu atakapokuja (Roho wa Kweli), atawafunulia mambo haya ambayo nimewaambia, na atawaonyesha mambo yajayo.” Huyo ni yule Mchungaji Mkuu, Huyo ndiye Mchungaji aliyeachwa na Yesu. Na Roho Mtakatifu aliandika Biblia, Biblia ilisema hivyo, “Watu wa kale, wakiongozwa na Roho Mtakatifu, waliliandika Neno.” Sasa, je! Roho Mtakatifu angeweza kuwavuta ninyi kuwapeleka kwenye kanuni ya imani? Je! *Yeye* angevuta—angewavuta kuwapeleka kwenye kitu ambacho Neno hili halisemi? Mbona, isingewezekana kabisa. Roho Mtakatifu angekuwa ni mwongo kama *Yeye* alisema ya kwamba “*Hivi* ndivyo mnavyopaswa kufanya,” kisha ageuke na kusema, “La, lilikuwa ni kosa, basi fanyeni yale kanisa linayosema mfanye.”

²¹¹ Sasa, kama mmekuwa mkisikiliza jambo fulani, mwingine amekuvuta akakutoa kwa Mchungaji halisi na wa kweli atakayekuongoza kwenye Neno, Roho Mtakatifu, nawe huna tukio, wala huna ushuhuda wa Roho Mtakatifu maishani mwako, ambayo bila . . .

²¹² Mungu ni Mmoja. Mungu ndiye tu aliye na Uzima wa Milele, Naye ni Uzima wa Milele. Na chochote kilichokuwa na mwanzo kina mwisho. Na kama wewe ni mfuasi wa kanisa tu, lilikuwa na mwanzo. Bali Neno la Mungu halina mwanzo, Mungu hana ninii . . . Na unapozaliwa na Mungu, umezaliwa kwa Neno, ndipo unakuwa mwana wa Mungu, na jina lako liliwekwa kwenye Kitabu cha Uzima cha Mwana-Kondoo kabla ya kuwekwa misingi ya ulimwengu. Nawe, rangi ya nywele uliyo nayo, rangi ya macho uliyo nayo, kimo ulicho nacho, Mungu alikuona kabla ya kuwekwa misingi ya ulimwengu. Naye alikuona,

mwanadamu, jinsi ulivyo. Na hata ingawa miaka milioni moja ilipita, hakuna kitu cha kukuzuia kurudi kwenye ile sura kamilifu ambayo Mungu alikukusudia hapo mwanzo, "Kondoo Wangu wanaisikia Sauti Yangu, mgeni hawatamfuata."

²¹³ Na kama hujakubali huo Uzima wa Milele, usiku wa leo, nawe unaiangalia hadithi ya u—u—uongo ya mtoto mchanga aliylazwa ho—ho—horini, na kundi la mamajusi wamemzunguka, usiamini vitu kama hivyo. Na unajaribu kuwazia, "Vema, nitakuwa mzuri. Nami nitafanya *hivi*. Na nitajiunga na kanisa. Na hayo ndiyo tu ninayopaswa kufanya." Umepotea. Kama huna Uzima wa Milele, unawezaje kuishi milele?

²¹⁴ Unawenza kuchukua punje ya mahindi, sijali inaonekana kamilifu jinsi gani, unawenza kuitenge—... Sayansi imetengeneza moja, ambayo unawenza kuipasua: ina unyevu ule ule, moyo ule ule, vitu vile vile ambavyo punje ambayo imekuzwa shambani ilivyo navyo, kitu kile kile. Ungeweza kuziweka kwenye maabara, na huwezi kutofautisha moja na nyingine: moja itapika ugali mzuri tu kama hiyo nyingine, moja itatengeneza bisi zile zile. Lakini njia pekee unayoweza kuzitenganisha, ni kuzizika. Ile iliyotengenezwa na mwanadamu, inakaa mle, inaoza wala haichipuki. Lakini ile iliyotengezwa na Mungu, ina chembechembe ya uhai, inaishi tena.

²¹⁵ Huenda ukamwiga Mkristo, huenda ukaenda kanisani kama Mkristo, huenda ukaweka jina lako kwenye kitabu kama Mkristo, huenda ukajunga na madhehebu kama Mkristo; hilo lingekuwa ni sawa, lakini isipokuwa ule Uzima wa Milele umo ndani yako ambaao yule Mchungaji Mwema alitoa uhai Wake kwa ajili ya Huo, kutenganisha... Wakati Mungu aliposhuka chini kwenye Pentekoste, Yeye alishuka katika mpira wa moto kama alivyofanya juu ya Mlima Sinai, kama alivyofanya kwa mchungaji wa kwanza, Musa. Na wakati aliposhuka, Yeye alijitenganisha Mwenyewe katika ndimi za moto zilizokaa juu ya kila mmoja wao, Mungu akijitenganisha katika watu Wake. Na isipokuwa uwe umepokea kile ambacho... Petro alisema ya kwamba "Ni kwa ajili yenu, na kwa watoto wenu, kwa wale walio mbali."

²¹⁶ Marafiki, msisikilize kisasili chochote cha kitheolojia, zaliweni mara ya pili. Na mnapozaliwa, Roho aliye ndani yenu ni sehemu ya Mungu, na anashuhudia kila Neno la Mungu kwamba ni "Kweli." Kama huna ushuhuda huo, hebu sasa na tufanye hima twende kwenye hori, Neno. Hebu na tuiendee Biblia, tuyaache haya makanisa yaliyopambwa na yenye maneno ya kitheolojia, twende kwenye hori halisi, kwenye Neno la Mungu ambapo Masihi anatambulishwa.

Huku tumeinamisha vichwa vyetu, na tuombe.

²¹⁷ Mungu mpenzi, hayo tu ndiyo ninayojuua kusema kwenye wakati huu. Tunakaribia Krismasi, mitaa imejaa wanaume kwa wanawake, wavulana kwa wasichana, wakisukumana, kububurushana, wakijaribu kununulia zawadi mtu ambaye angewapa vivyo hivyo. Watu wengi wanaojiita Wakristo wako huko nje mitaani wakinunua sigara, pombe, kwa ajili ya zawadi za Krismasi. Mungu, inaonekana kana kwamba wanaitupa moja kwa moja usoni Mwako, wakiwfundisha watoto wao hadithi za uongo, theolojia ya Kirumi na kikafiri ya Mtakatifu Nicholas, kisasili fulani ambacho kinakubalika kwa urahisi na ulimwengu, nao wanamkataa Kristo halisi wa Krismasi, Mwana-Kondoo halisi.

²¹⁸ Mungu, ninaomba, usiku wa leo, ambapo tumeinamisha vichwa vyetu kuelekea kwenye mavumbi uliyotutoa kwayo, . . . Ulimwambia Ibrahimu wakati mmoja, yule nabii-mchungaji mkuu, “Toka uende, Ibrahimu, na ukauhesabu mchanga ulioko pwani.”

²¹⁹ Naye akarudisha neno, “Hauhesabiki, siwezi kuuhesabu.”

²²⁰ Ndipo Wewe ulisema, “Angalia juu mbinguni, na uzihesabu nyota.” Naye alijua hilo haliwezekani. Nawe ukamwambia, “Ndivyo uzao wako utakavyokuwa.” Tunaangalia ujumbe huo kwa hujo nabii-mchungaji, “kutoka kwenye mavumbi ya nchi, hadi kwenye nyota za mbinguni,” ya kwamba ingawa kuna mauti katika miili yetu inayopatikana na mauti ya kutupeleka mavumbini, kuna Uzima unaoweza kutuinua hadi kwenye nyota.

²²¹ Kama ulivyomwambia nabii Wako mkuu Danieli, “Na hao wamjua Mungu wao, katika siku za mwisho, watafanya mambo makuu. Na hao waongozao wengi kutenda haki watang’aa kuliko nyota milele na milele.”

²²² Bwana Mungu, Muumba Mkuu, Ambaye ulipenda sana kuja duniani katika mfano wa Yesu, kumruhusu mtu ajue vile Mungu alivyokuwa. Nawe ulikuwa Ndiwe tu ambaye ungeweza kustahimili adhabu ya mauti, hakuna Malaika, hakuna kibadala kingaliweza kufanya jambo hilo. Wewe Ndiwe uliyeweka hiyo adhabu, Nawe pekee Ndiwe ungeweza kuiondoa kwa njia ya haki. Na kwa kuwa Wewe ni Roho, usingeweza kufa. Lakini ulifanyika mwili kusudi upate kufa; na uwе Mwana-Kondoo upate kuiondoa dhambi ya Wale Uliowakomboa, ambao ilikubidi kuwakomboa kwa Damu Yako Mwenyewe.

²²³ Loo, hadithi hiyo ni kuu sana, Bwana, inapita juu ya vichwa vya wengi. Kuwazia: “Maskini mtoto Yehova, akilala kwenye zizi la ng’ombe, ilimbidi kuishi kama mtoto mchanga. Maskini mtoto Yehova, amezaliwa katika zizi. Maskini mtoto Yehova, akicheza pamoja na watoto mtaani. Maskini mtoto Yehova, tineja. Maskini mtoto Yehova, mvulana wa shule. Na Yehova, Mwenyezi.” Ulichukua nafasi hizi zote. “Ndipo basi, Yehova,

Mwana-Kondoo. Yehova, Nabii.” Nawe ulifanyika haya yote kusudi upate kupata adhabu ya dhambi, na kutupa Uzima wa Milele.

²²⁴ Tusamehe, Ee Mungu, sisi, maskini, viumbe visivystahili vya ulimwengu huu. Tunaona haya usiku wa leo, Bwana, tunaposoma yale uliyotufanya, na jinsi ambavyo tumefanya mambo machache sana kuyalipia. Jinsi ulivyokuja katika siku za viongozi wakuu wa dini! Jinsi ulivyokuwa tayari kusimama na kuakisi Neno la Baba! Jinsi ambavyo hukupatana juu ya nadharia zao! Na leo inaonekana kana kwamba hakuna mtu anayetaka kusimama na kuita Neno kwamba lingali ni “Neno,” na pasipo kupatana. Tunaomba, Mungu, utusamehe kwa ajili ya mambo haya ambayo tumeyapuza sana. Na utupe usiku wa leo, miyoni mwetu, tunapokupa Wewe kama hori. Nasi tunajua ya kwamba kila wakati Kristo aliyesulibishwa anapokubaliwa, kuna kuzaliwa upya, kuna kondoo anayezaliwa upya, kuna kuimba Mbinguni kwa Malaika. Kwa mwenye dhambi mmoja anayetubu, Malaika wanaimba tena.

²²⁵ Tunaomba, Mungu, ya kwamba kama kuna wengine hapa usiku ambaio hawakujuui Wewe kama ile Karama halisi ya Mungu, kama Mwokozi wa kibinagsi, si kwa wazo tu la akili, bali kwa kuzaliwa upya (kwa kuzaliwa na Roho Wako), jalia wakupokee sasa hivi, Bwana, tukiwa tumeinamisha vichwa vyetu. Na kukiweko na mmoja, Bwana, ambaye hajafanya jambo hili, jalia miyo yao ipokee furaha sasa, na waone kama wale wachungaji wa kale, katika hori la moyo wao, Neno, Masihi; ambaye atathibitishwa kwao kama Roho Mtakatifu, yule Mchungaji Mkuu wa siku hizi. Tunaomba hili katika Jina la Yesu.

²²⁶ Huku tumeinamisha vichwa vyetu, nami ninaamini miyo yetu imeinamishwa, naomba—naomba, ndugu yangu mpendwa, ingawa wewe ni mfuasi wa kanisa... Nami ninatumaini ya kwamba sijawaudhi kwa kusema yale nimesema. Mimi... Ni sawa kuwa mfuasi wa kanisa, tunapaswa kufanya hivyo, lakini, Ee ndugu, usikubali jambo hilo tu, huna budi kuzaliwa mara ya pili.” Hivyo ndivyo Nabii-Mchungaji Mkuu alivyo sema, “Huna budi kuzaliwa mara ya pili.” Alimwambia mwanatheolojia jambo hilo, “Huna budi kuzaliwa mara ya pili.”

²²⁷ Na unapozaliwa mara ya pili, si kwamba tu unaamini. Wao wanasema, “Unazaliwa unapoamini.”

²²⁸ Bali Biblia ilisema, “Ibilisi anaamini, pia.” Sasa, angalia, si hilo, ni tukio.

²²⁹ Unasema, “Vema, nimeishi maisha mazuri.”

²³⁰ Vivyo hivyo na mitume pia, bali hawakuwa wamezaliwa mara ya pili mpaka walipompokea Roho Mtakatifu. Hata hawakuwa wameongoka mpaka walipokuwa wamempokea Roho Mtakatifu. Mnakumbuka ule usiku kabla ya ule usaliti... .

ama kwenye ule usaliti, kabla tu usaliti kufanyika? Yesu alimwambia Simoni Petro, "Utakapoongoka, basi waimarishe ndugu zako." Naye Petro alikuwa amemfuata kwa muda wa miaka mitatu na nusu, na alikuwa amewatoa pepo, na kuwaponya wagonjwa, alikuwa ameihubiri Injili, na bado (kulingana na Neno) hata hakuwa ameongoka.

²³¹ Sasa, je! ungemtaka Mjumbe wa a—aina hiyo moyoni mwako usiku wa leo? Kama—kama kweli unamtaka Huyo... Haileti tofauti yoyote kile mtu mwagine anasema, Hilo ni kweli, ndugu, dada. Ninajua hilo kuwa ni kweli. Je! wewe, huku kila kichwa kimeinamishwa na kila jicho limefungwa, si kwangu, mimi ni mwanadamu tu, ndugu yako, bali ungemwinulia Kristo mkono wako, useme, "Ninaamini Hilo. Na kweli ninamtaka huyo Kristo moyoni mwangu, Kristo halisi wa Krismasi"? Ungeweza kuinua mkono wako sasa? Mungu akubariki. Hilo ni zuri. Mungu akubariki, pia. Mungu akubariki. Jamani, mikono kila mahali.

²³² Na litukie, ndugu; na litukie, dada; na litukie, rafiki yangu; jazweni na Roho wa Mungu. Inaleta tofauti gani yale mtu mwagine ye yeyote asemayo? Kumbuka, ni maisha yako. Huenda hata tusiwe duniani asubuhi, hatuna ha—hakikisho la uhai zaidi ya ule tunaopumua katika pua zetu sasa. Huenda tusipumue tena, ni neema ya Mungu tu. Na inafaa nini, haidhuru umeishi vizuri jinsi gani na jinsi...? Yesu alisema, "Mtu asipozaliwa mara ya pili, hataingia kamwe."

²³³ Sasa, ninajua *misamiati* ya kuzaliwa mara ya pili ni kitu gani, bali hebu na tuangalie tu ni kitu gani kilichotukia katika Biblia wakati walipozaliwa mara ya pili. Petro alikuwa ni mwaminio, mitume walikuwa ni waaminio, bali hawakuzaliwa mara ya pili mpaka baada ya Roho Mtakatifu kuwashukia kwenye Pentekoste. Sasa, walikuwa wakishangaa ni kitu gani kilichotukia, naye Petro akasema, pamoja na hao wengine, "Enyi watu wa Israeli, na lijulikane jambo hili kwenu; Yesu wa Nazareti, mtu aliyedhihirishwa kwenu na Mungu kwa ishara na miujiza na maajabu, ambayo Mungu alifanya kwa mkono Wake; Yeye ambaye alikusudiwa, kwa kujuua tangu zamani ninyi mlimchukua kwa mikono ya watu wabaya na kumsulibisha, Ambaye Mungu amemfufua nasi ni mashahidi Wake. Yeye amekimwaga kitu hiki mnachokiona na kukisikia sasa, na ni kulingana na Maandiko."

²³⁴ Ndipo basi, waliposikia jambo hili, walichomwa moyoni mwao, na kusema, "Waume na ndugu zetu, tufanye nini tupate kuokolewa?"

²³⁵ Petro akawaambia, "Tubuni!"

²³⁶ Sasa, rafiki yangu Mkatoliki unayeketi hapa, ambao ninajua wanenama watano wenu mnaoketi hapa. Nilikuwa nikizungumza jambo hili na kasisi wenu, labda si kasisi wenu, bali mmoja wa makasisi wa Kikatoliki, yeye

alisema, "Yesu alilipa kanisa nguvu za kuondoa dhambi, 'Wowote mtakaowaondolea dhambi, wameondolewa; wowote mtakaowafungia dhambi, zimefungiwa.'" Hiyo ni kweli. Lakini hebu tuangalie jinsi alivyofanya jambo hilo, jinsi mitume walivyofuata agizo Lake, si kulingana na vile ambavyo—ambavyo kasisi anafanya leo.

²³⁷ Lakini kasisi wa kwanza, kama unataka kumwita hivyo, Petro, ambaye alikuwa na funguo za Ufalme, alisema lifanyweje? Yeye alisema, "Tubuni, kila mmoja wenu, mkabatizwe katika Jina la Yesu Kristo mpate ondoleo la dhambi, nanyi mtapokea kipawa cha Roho Mtakatifu. Kwa maana ahadi hii ni kwa ajili yenu, na kwa watoto wenu, na kwa wale walio mbali, na wote watakaoitwa na Bwana Mungu wetu wamjie." Na kama Mungu angali anaita, tukio lile lile ni kwa ajili yako kama utafuata maagizo yale yale. Kama kusanyiko hili linaamini jambo Hilo, huku vichwa vyenu vimeinamishwa, semeni, "Amina." [Kusanyiko linasema, "Amina."—Mh.] Basi, chochote pungufu ya Hilo ni kinyume cha Neno, wala si kulingana na Mchungaji.

²³⁸ Bwana Yesu, wako mikononi mwako sasa. Ninaomba ya kwamba kila moyo uliofunguliwa usiku wa leo ambao hauna Kristo, Masihi (na Kristo ni Neno, Neno lililotiwa mafuta likidhihirishwa), na kukiwapo mioyo yoyote iliyofunguliwa hapa usiku wa leo ambayo haina Masihi huyo (ile Karama halisi ya Krismasi, Karama pekee halisi ya Krismasi iliyopo, ambayo Mungu aliupa ulimwengu, na kuitangaza kwa ulimwengu kwa wachungaji, wa Kondoo Wake, ule Upatanisho kwa ajili ya dhambi), na kama moyo huo umefunguliwa usiku wa leo, uweke ndani yake, Bwana, Neno Masihi la siku hizi. Tunawakabidhi Kwako katika Jina la Yesu Kristo, Mwanao. Amina.

²³⁹ Je! mnampenda? Mnamwamini? "Utafuteni kwanza Ufalme wa Mungu, na haki Yake, mambo mengine yote mtapewa."

²⁴⁰ Marafiki, kabla hatujaachana, ninataka kusema jambo hili. Mara nyingi, mimi ninaeleweka vibaya sana. Nina Ujumbe kutoka kwa Mungu, nami sina budi kuutangaza Ujumbe huo haidhuru iweje. Ninajua unaeleweka vibaya. Kama haukueleweka vibaya, basi usingekuwa ni Ujumbe wa Mungu; usingeweza kuwa. Kuna vurugu nyingi sana hivi kwamba usingeweza kueleweka. Ninaamini ya kwamba Mungu ana mtu katika kila dhehebu na shirika la ulimwengu, na si kwamba mimi ninawapinga ndugu zangu. Nilikuja hapa Tucson, miaka mitatu iliyopita, nami nilifanya mukutano pamoja nanyi wahudumu huko kwa Ndugu Gilmore, na iliulizwa, je! nilikuja "hapa kuanzisha kanisa?"

²⁴¹ Nikasema, "La, bwana. Nimekuja hapa kuwasaidia *ninyi*." Lakini sijaalikwa bado, katika miaka mitatu. Lakini ni mamoja tu, nipo hapa kuwasaidia. Nipo hapa kushikana mikono pamoja nanyi, si kujiunga na madhehebu pamoja nanyi, bali kushikana mikono na moyo pamoja nanyi kwenye Neno la Mungu, kujaribu

kuihubiri Injili kwa kila nafsi iliyopotea na kila mtu mwenye haja ambaye yuko kwenye masafa ya sauti zetu.

²⁴² Ninajitolea kwa Mungu, usiku wa leo, kwa moyo wangu wote, kwa yote yaliyo ndani yangu. Sina mengi sana ya kutoa; siwezi kuleta uvumba, manemane, na dhahabu, maana sina. Lakini yote niliyo nayo ndani yangu ambayo Mungu alinipa, maisha haya, ninayaweka wakfu Kwake upya usiku wa leo, juu ya hori la Neno Lake moyoni mwangu; na kumwahidi, kusimama na Neno hilo, kama ataniruhusu kuishi mwaka mwingine, kwa uaminifu tu niwezavyo kusimama; kuhubiri kila kipengee Chake, na kuamini kila sehemu Yake; kwa hiyo, nisaidie, Mungu. Je! mtafanya vivyo hivyo pamoja nami?

²⁴³ Tupokee, Bwana. Tunapokea Karama Yako ya Krismasi, yule Masihi, Neno lililotiwa mafuta linalothibitisha Uwepo Wako pamoja nasi, Bwana, bila kujali kanuni za imani wala madhehebu. Tunaona, sisi wenyewe leo, ulimwengu ukisambaratika, na huyu hapa yule Masihi mkuu amesimama huku ameinyosha mikono Yake: Yesu Kristo yeye yule jana, leo, na hata milele, aliyetao ahadi hizo, ya kwamba katika siku hizi za mwisho, kanisa lingeunda madhehebu sana mpaka lingeingia katika Laodikia. Na tunalionia leo, Bwana.

²⁴⁴ Tufanyeje, Mungu mpenzi? Nifanyeje? Nisaidie pamoja na hawa wachungaji wengine, Bwana, kote ulimwenguni, wachungaji wa Neno, kulitangaza, Bwana, katika mwaka huu ujao. Tusaidie, Bwana, tunaomba. Tupe Upendo Wako na Roho Wako na Nuru Yako. Tunajiweka wakfu usiku wa leo kwa Neno Lako na kwa wito Wako. Katika Jina la Yesu Kristo, tunapokea Karama Yako ya Krismasi: Neno la Mungu lililofanyika mwili ndani yetu. Amina.

²⁴⁵ Ninapenda nyimbo za kanisa. Paulo alisema, katika Biblia, “Nilipoimba, niliimba katika Roho. Ninapohubiri, ninahubiri katika Roho. Ninapo...chochote nifanyacho, ninafanya yote katika Jina la Yesu Kristo.” Sasa, kwa kuwa Hili limewachosha...Nami ni—ninawathamini. Nilikuja na Ujumbe huu. Wakati mwingine inaonekana kana kwamba ninachukia tu kusema Hilo, bali hata hivyo ni—ninawajibika, ndugu. Nisipofanya hivyo, mimi ni mnafiki. Nisipofanya hivyo, mimi ni msaliti kwa dhamira yangu mwenyewe, na imani yangu mwe—mwenyewe katika Neno la Mungu. Sina budi kufanya jambo hilo, sio kuwa tofauti, bali kuwa mwaminifu kwa wito wangu. Nami ninataka kuwasaidia ninyi nyote, ninataka kufanya yote niwezayo.

²⁴⁶ Sasa hebu na tuimbe mmoja wa nyimbo kuu sana za nyakati zote, ninaupenda sana, *Nampenda*. Mwajua, ninaamini kama sote tungempenda tu, tungefanya yale aliyoituagiza kufanya. “Mnaniitaje Mimi, ‘Bwana,’ wala hamfanyi mambo ninayowaagiza kufanya? Mnaniitaje, ‘Bwana,’ kisha hamfanyi yale niliyowaambia kufanya?”

²⁴⁷ Ama ungetaka kumsikiliza mchungaji wa mshahara ambaye angesema “weka jina lako kwenye kitabu, na ujiunge; kula ushirika huu, useme *hivi*, na ndivyo inavyotakiwa,” wakati yule Mchungaji Mkuu Mwenyewe alisema “mtu asipozaliwa mara ya pili hawezi hata kuuona Ufalme wa Mbinguni”?

²⁴⁸ Na hebu waangalie hao wanatheolojia waliofunzwa wa siku hiyo, waliofunzwa! Ati watakatifu? Ati maisha safi? Hatuna kitu cha kuwalinganisha nacho leo, jinsi walivyoishi. Na yule Mchungaji Mkuu aliwaita nini? Alisema, “Ninyi ni wa baba yenu Ibilisi,” kwa sababu hawakuninii... Walilitambua Neno, bali ni neno la siku nyininge, si Neno la siku *hiyo*.

²⁴⁹ Kama waliutambua wakati wa Nuhu, hilo ni sawa, huo ulikuwa ni wakati wa Nuhu; bali usingefaa kitu katika wakati wa Musa. Na wakati wa Musa usingefaa kitu katika wakati wa Kristo. Unaona? Wakati wa Luther hautafaa katika wakati wa Wesley. Wakati wa Wesley hautafaa katika wakati wa Pentekoste. Na Pentekoste imefanya jambo lile lile hao wengine walilofanya. Sasa, ni nani amenipa msaada katika siku zilizopita? Niliwaliza.

²⁵⁰ Wakati jani la unyasi linapochipuka, ni kitu gani? Nini... wakati jani la ngano linapochipuka. Yesu alisema, “Punjya ngano isipoanguka ardhini.” Inakuwaje wakati punje ya ngano...ama ngano inapoanguka ardhini? Kitu cha kwanza kinachotokeza ni jani dogo. Ha-halifanani na punje iliyoshuka ardhini. Angalia maumbile. Haifanani na punje ilioingia ardhini, bali ni bebaji ya Uzima wa punje hiyo. Kilichotokea...

²⁵¹ Yule kafiri ambaye ndiyo kwanza aandike kile kitabu kinacho julikana sana, *Mungu Mkimya*, kilisema, “Kunawezaje kuwako na Mungu ambaye angeweza kuifungua Bahari ya Shamu, na kusimama na kuvumilia miaka elfu moja ya nyakati za giza na kuwaona watoto wadogo wakiliwa na simba, na watu wakitundikwa misalabani, na kuuawa kinyama kwenye viwanja vya michezo na kadhalika, wala hata asifungue kinywa Chake?” Mnaona, Neno ni ufunuo.

²⁵² Hiyo ngano, wakati hiyo ngano halisi ilipoanza hapo mwanzo, ilishindwa mbele za Mungu. Na hatimaye kukaja Ngano fulani, muakisi halisi wa Mungu, ambaye aliakisi Neno Lake lote *hivi* kwamba hata Yeye alikuwa ni Neno. Ndipo Mungu akampa Bibi-arusi pale Pentekoste; lakini Bibi-arusi huyu alianguka ardhini kuitia kwenye nyakati za giza, kama tu vile ngano halisi ilivyofanya, ilianguka ardhini. Na ni kwa nini haingeweza kutenda kazi? Kwa sababu ilifichwa chini ya ardhi, ilibidi ioze kabla haijaleta uzima.

²⁵³ Lakini alikuja maskini kasisi mdogo wakati mmoja, jina lake Martin Luther, naye akachipusha lile Neno moja la Kweli: “Wenye haki wataishi kwa imani,” kukatokea unyasi; kisha

unyasi mwingine ukafuata huo, Zwingli, ndipo akaja Calvin na Knox na kuendelea.

²⁵⁴ Muda si muda unajua, ilibadilisha unyasi wake, ikaingia kwenye kishada. Sasa, hicho kilionekana kidogo kinafanana zaidi nayo, bali kingali hakikuwa kile kitu halisi kilichoingia ardhini, Wesley akafuata moja kwa moja. Kutoka kwa Wesley likaja kanisa la Kimethodisti, kutoka kwa kanisa la Kimethodisti likaja la Kinazarayo, Muungano wa Wandugu, kadhalika. Ilifanya nini? Ilianguka tena na ikazaa, ilionekana kama punje halisi ya ngano sasa, Pentekoste.

²⁵⁵ Sasa, mwangalie Yesu, katika Mathayo 24:24, "Katika siku ya mwisho, roho hizo mbili zitafanana sana hata zitawadanganya walio Wateule, kama yamkini." Sasa, wakati punje hiyo ya ngano ilipojitokeza, mkulima yejote wa ngano anajua ya kwamba hiyo ilionekana kama punje ya ngano, kamilifu. Lakini hebu keti chini na uishike kwa mkono wako, uifungue. Hamna ngano ndani yake, ni ganda. Lakini huko nyuma kabisa, chini ya darubini unaweza kuona chipukizi dogo sana, hiyo hapo punje inakuja. Halafu basi hilo ganda litafanya nini? Ni kwa ajili ya kuilinda hiyo punje, jua kali lingeiu, linailinda hiyo punje mpaka punje itakapokomaa. Ndipo basi hiyo punje ikikomaa, ganda linajiondoa kwake. Lakini, uliona, hiyo punje basi inayojitokeza, haina budi kuwa punje ya aina ile ile iliyoingia ardhini.

²⁵⁶ Baada ya ufufuo wa Luther, kulitokea dhehebu. Baada ya ufufuo wa Wesley, likaja dhehebu. Baada ya Alexander Smith, John... Alexander Campbell, John Smith, hao wengine wote, kukatokea dhehebu. Baada ya Pentekoste, moja kwa moja kuendelea mbele kama kitu halisi, bali kulitokea dhehebu. Lilifanya nini? Lilijiondoa.

²⁵⁷ Tumekuwa na miaka kumi na mitano ya ufufuo, hajajulikana katika historia yote. Na hebu angalieni, katika miaka hii kumi na mitano ya ufufuo, Huu ulienea kote ulimwenguni, wala hakuna hata dhehebu moja limejengwa kutoka Kwake. Ulikuwa wapi? (Ulianizisha mvua ya vuli, ukafa katika ninii yake... mara moja, ulikuwa.) Hakujakuwako na dhehebu lililoufata Huu. Kwa nini? Ni punje Yenyewe, hakuwezi kuwako na lingine. Na ganda sasa linajiondoa, hakuna ushirikiano, hakuna mtu anayekutaka. Ni kwa sababu gani? Haina budi kuwa Hiyo.

²⁵⁸ Ni kwa nini kanisa hilo liliwekwa pale? Kuliunga mkono. Ambapo... Ni nani angalishirikiana? Ni Mbaptisti gani, ama Mpresbiteri, ama Mlutheri angeweza kuunga mkono uamsho wa uponyaji wa Kiungu? Sasa wakati Kweli inapotokea, inakuwaje? Si ganda; bali Uhai unatoka moja kwa moja kutoka kwenye ganda hilo, unaingia moja kwa moja kwenye punje, ule Uhai halisi na wa kweli. Dhehebu linasimama pale, linakufa, kama tu vile limefanya katika kila wakati, linafanya vile vile. Mlitoka

humo, miaka hamsini iliyopita, na mkarudi moja kwa moja kwake tena! Lakini Uhai halisi huifuata punje, tuko katika wakati wa mwisho, enyi ndugu.

²⁵⁹ Kwa nini ikajiondoa? Kusudi ipate kuleta hiyo punje uweponi pa Mwana, ipate kuivisha hiyo punje kwa mwivisho wa dhahabu kwa ajili ya Bwana. Kwa nini limejiondoa? Kwa hiyo, inasababisha maumivu ya moyo, machozi, kwamba hawajianiki mbele ya j-u-a, bali M-w-a-n-a, wapate kuivishwa waifikie Injili kamili ya kweli, wapate kudhihirisha kila kitu ambacho Yesu Kristo aliahidi katika Biblia. Kunainuka Mwili fulani leo mionganoni mwa watu. Wala hakutakuwako tena na madhehebu zaidi, yanaenda moja kwa moja yanaingia katika Laodikia tajiri. Dhehebu hilo limefanikishwa na kitu gani? Mamiloni ya dola, na mamiloni ya nafsi.

²⁶⁰ Na Mchungaji alitoka wapi? Kuwatoa ndugu zake utumwani. Si—sijui; Mungu, kuwa pamoja nasi, tusaidie. Someni Neno! Yachunguzeni Maandiko! Ndani yake tunadhani tuna Uzima wa Milele, nayo ndiyo yanayoshuhudia Kweli. Mnaona, Mungu aligawia kila wakati Maneno Yake. Wakati huu daima . . .

²⁶¹ Yesu alisema nini wakati alipokuja? Yeye aliaambia watu hao, “Enyi wanafiki! Mnazipaka kuta rangi, na kujenga makaburi ya manabii, na baba zenu ndio waliowaweka mle ndani. Nanyi ni wana wa baba zenu. Na kazi walizofanya, mtazifanya pia.” Daima linabaki vivyo hivyo, ndugu zangu.

²⁶² Lakini wakati Yesu atakapokuja siku moja, yule Mchungaji Mkuu wa kondoo kutoka kwa Pentekoste kupidia kwa Luther kupidia nyakati zote, wale ambao wamekubali Nuru jinsi ilivyokuja kupidia kwa wabebaji (si walikubali bebaji, waliikubali hiyo Nuru; mnaona, wakatoka), Yeye atakuja kuwakomboa. Nina furaha sana ya kwamba ninajua Yeye yuaja tena. Loo, je! utahesabiwa pamoja na kundi Lake? Ungehesabiwa? Kuna njia moja tu ya kufanya jambo hilo, si kwa kujiunga na kanisa, bali kwa kuzaliwa ndani Yake. “Na wote alionipa Baba, watakuja Kwangu, wala hakuna mtu awezaye kuja asipovutwa na Baba Yangu.” Unaona, hakuna lingine, likubali Hilo. Yeye . . . Hiyo ndiyo zawadi pekee ya Krismasi niijuayo, ni zawadi ya Mungu aliyoupa ulimwengu, Mwanawee pekee. Naye ni yeye yule, jana, leo, na hata milele, lile Neno. Unaona? Mwamini Yeye katika siku hii, utimilifu wa Biblia.

²⁶³ Wakati hizo siri saba . . . Huko nyuma kupidia kwenye hizo Nyakati Saba za Kanisa, kulikuwa na siri saba zilizofichwa. Ninaandika kitabu juu yake. Na mwanatheolojia mashuhuri aliniambia si muda mrefu uliopita, kasema, “Ndugu Branham . . .” Unaona jinsi Shetani atakavyojaribu kukupiga kikumbo kusudi akutoe njiani? Yeye alisema, “Ndugu Branham, unajua nini? Ninaamini Bwana atakufunulia kile tutakachofanya baadaye. Ni kuninii . . . itakuwa ni siri kubwa iliyofichwa chini ya hii Mihuri Saba.”

²⁶⁴ Nikasema, “La, si hivyo, ndugu.”

²⁶⁵ Akasema, “Litakuwa ni jambo fulani ambalo hata halijaandikwa katika Neno.”

²⁶⁶ Nikasema, “La! La! Unasahau, ‘Mtu ye yote atakayeongeza neno moja, au kuondoa Neno moja.’” Mnaona, tayari liko mle ndani, bali watengenezaji wameshindwa kuliona, hawakuishi muda mrefu wa kutosha kuliona.

²⁶⁷ Na nyakati hizo sasa zimekwisha, tuko papa hapa kwenye Laodikia. Na kumbukeni, wakati wa Laodikia, Yeye alikuwa nje ya kanisa, akibisha, akijaribu kurudi ndani: Hawa alikuwa amemtupa Adamu wake nje. Mungu, tusaidie. Jalia twende nje ya kambi kumtafuta Yeye. Jalia tuteseke nje ya malango pamoja Naye. Hebu na twende Kwake katika mauti Yake, katika kuzikwa Kwake, na katika kufufuka Kwake; kwa maana ni yeye yule jana, leo, na hata milele.

²⁶⁸ Hebu na tuimbe wimbo mmoja kabla hatujaondoka. Sivyo? *Nampenda*. Wawea kutupa sauti yake, dada? Ni wangapi wanaojua wimbo huo wa kale? Mimi... Kama umepata kuwa katika mikutano, ninaupenda.

²⁶⁹ Sasa hebu na tufunge tu macho yetu, tuwazie juu ya Yehova. Hakuna mtu aliystahili, hakuna mtu angaliweza kufanya jambo hilo ila Yeye. Naye alishuka akaja, na akawa mtoto mchanga. Yeye alikuja, tineja. Akawa seremala, mfanyakazi. Alifanyika Mwana-Kondoo, alifanyika dhabihu. Alifufuka kwa shangwe ya ushindi, Yehova. Na kama vile Musa alivyoutoa mkono wake kutoka kifuani mwake juu ya moyo wake, Mungu aliutoa mkono Wake kutoka kifuani Mwake (siri Yake) Mwanawe aliyepigwa na ugonjwa wa dhambi, isiyotibika; kisha akaurudisha kifuani tena, na kuutoa na kuuweka kwako na kwangu mimi: “Yesu Kristo yeye yule jana, leo, na hata milele.”

²⁷⁰ Mwangalieni Yeye sasa.

Nampenda, nampenda
Kwani alinipenda kwanza
Na kununua wokovu wangu
Mtini Kalvari.

²⁷¹ Ni wangapi wanaojua ilipaswa iwe ni mchungaji, semeni “Amina.” [Kusanyiko linasema, “Amina.”—Mh.] Ni lazima! Ni kwa nini mchungaji? Ilibidi iwe. Sasa wakati tukiimba aya ii hii tena, nyosha mkono juu ya meza. Kuna Mmethodisti, Mbaptisti, Mlutheri, Mpresbiteri, Mkatoliki, na wote hao, wanaoketi hapa usiku wa leo. Peaneni mikono, useme, “Msafiri mwenzangu, nina furaha sana kuwa hapa pamoja nawe, usiku wa leo.” Waambie jambo fulani. Useme, “Mungu akubariki,” tunapopeana mikono sisi kwa sisi sasa. Tunapouimba tena sasa.

Na-...

[Sehemu tupu kwenye kanda—Mh.]
 . . . wokovu wangu
 Mtini Kalvari.

²⁷² Sasa hebu tufunge macho yetu na kuinua mikono yetu, na tumwimbie.

Nakupenda, nakupenda
 Kwani alinipenda kwanza
 Na kununua wokovu wangu
 Mtini Kalvari.

²⁷³ Na sasa, Mungu hana umbo. Kwa hiyo, hebu na tuinamishe vichwa vyetu na tuuvumishe sasa, kama watoto wadogo, ninyi ni watoto wa Mungu. Msiangalie yale ulimwengu unayoweza kuwazia, mnaabudu sasa, mnawabudu Kristo. Inamisheni tu vichwa vyenu na muuvumishe. [Ndugu Branham na kusanyiko wanauvumisha *Ninampenda*—Mh.]

²⁷⁴ Hivi hujisikii kama uliyesuguliwa kabisa? Kwa namna fulani tu...kitu fulani kilisugulia mbali shaka lote na ulimwengu kutoka kwako? Unajisikia hivyo? Inua mikono yako, “Ninajisikia tu nimesuguliwa kabisa. Ninajisikia tofauti. Ninajisikia kana kwamba nimekuwa nikila kutoka katika mikono Yake. Nina,...” Kama vile yule ndugu mwingine hapa alivyoshuhudia, “Chakula, chakula cha Mchungaji, chakula cha kondoo.” Hicho ni Neno.

²⁷⁵ Kondoo wa Mungu hula Chakula Chake, “Mtu hataishi kwa mkate tu, bali kwa kila Neno litokalo kinywani mwa Mungu.” Na hiki ndicho, Biblia. Tunakula kila Neno, si baadhi tu ya Maneno, bali kila Neno litokalo. Loo, hilo haliwafanyi kumpenda? Kuwazia ya kwamba sasa tuna Uzima wa Milele! Si tutakuwa, *sasa* sisi ni wana wa Mungu. Si tutakuwa, *sasa*! Na tumeketi pamoja katika ulimwengu wa roho *katika* Kristo Yesu. Na ile televisheni kuu, ambayo hutangaza kuna mawimbi ya anga za juu yanayowafanya watu (mtu anayezunguka dunia) watambulikane kwa—kwa skrini ya televisheni. Neno kuu la Mungu, na Roho wa Mungu akilichukua Neno la Mungu, anamwakisi Yesu Kristo katika ulimwengu wa roho kwa kondoo Wake, ya kwamba ni yeche yule jana, leo, na hata milele. Yeye si ni wa ajabu? Ajabu! Mungu awabariki.

²⁷⁶ Sasa hebu na tusimame kidogo kwa dakika moja. Mna mtu wa kuomba baraka? Sasa, kumbukeni, wakati wa Krismasi, mwabuduni Bwana Yesu. Mwabuduni katika Nguvu za kufufuka Kwake. Na kama ninaweza kuwa na baraka kwenu (ninyi, mchungaji wenu, kanisa lenu, ama chochote kile), usiku hauingii giza mno, mvua hainyeshi mno.

²⁷⁷ Hivi majuzi usiku (kuna mama anayesimama hapa sasa) nilikuwa na shughuli nyingi sana, niliachukua wagonjwa na kadhalika mpaka...kulikuwako na mwanamke mwenye umri

wa miaka themanini na kitu ambaye alikuwa ameenda wazimu, naye alikuwa...aliwazia kuhusu kuwa na mtoto ama kitu fulani, alikuwa amerukwa na akili. Na Billy, kutoka ofisini, alinipigia simu, kasema, "Baba, unaweza?"

²⁷⁸ Nikasema, "Siwezi sasa hivi. Kuna watu... Siwezi kabisa kufanya jambo hilo."

²⁷⁹ Akasema, "Baba, unaweza kuingia katika maombi? Nitawaambia unaomba."

²⁸⁰ Nikasema, "Naam." Na wakati uo huo akajirudia. Akalala usingizi, akaamka akiwa katika hali yake ya kawaida; akala chakula kizima cha jioni cha kuku, akiwa na akili timamu. Mtu alikuwa amesimama hapa akishuhudia juu ya jambo hilo muda mfupi uliopita.

²⁸¹ Ndugu Mack, nilimwona hapa muda mfupi uliopita, mahali fulani kanisani. Yeye yupo hapa, mmoja wa wachungaji, mchungaji wa mahali hapa. Ndugu mpendwa sana, nami daima nimempenda Ndugu Mack tangu nilipoanza huduma. Ndipo basi nikakutana naye...

²⁸² Nami nilikuwa huko mbali British Columbia; na ili kuwaonyesha tu jinsi ambavyo Mungu atafanya kila kitu sawa. Nilikuwa tayari nimepanda farasi, na nilikuwa nikirudi huko nyikani ambako nilikuwa nimeliongoza kundi zima la Wahindi kwa Mungu; nao wote waliongoka, nao walikuwa wamempokea Yesu.

²⁸³ Na kwa unabii ulioambiwa mvulana huyo wa Kihindi aliyepoteza farasi wake mdogo, miaka miwili iliyopita, nikamwambia mahali angempata, angekuwa umbali gani, na mahali ambapo farasi huyo mdogo angekuwa amesimama. Mama yake akifa kwa mshtuko wa moyo. Aliponywa na kuokolewa. Naye mvulana huyu, alipopitia tu pale na kuona jambo hilo, na akijua ya kwamba yeye...farasi wake alipatikana jinsi hasa alivyoambiwa, na kila kitu.

²⁸⁴ Hakuna Neno moja ambalo Bwana amepata kusema... Nitamwuliza yejote wenu, "Je! Yeye...umewahi kumsikia akisema lolote, ambalo amepata kuniambia niwaambie, ila lile lililotimia vivyo hivyo hasa?" Kama hiyo ni kweli, semeni, "Amina." [Kusanyiko linasema, "Amina."—Mh.] Mnaona? Mnaona? Kweli kabisa, halijashindwa kamwe hata wakati mmoja.

²⁸⁵ Naye Ndugu Mack alikuwa mahututi, na ilitokea kwamba mkewe alimpigia Billy simu...mke wa mwanangu, na kumwambia...kumwuliza mahali nilipokuwa; maskini mama huyo mdogo mzuri sana na...mkewe. Naye...Ndipo mkaza mwanangu akasema, "Yeye yuko huko mbali British Columbia kwenye ziara ya kuwinda."

²⁸⁶ Na asubuhi hiyo, kwa namna fulani, ni—ni—nisingeweza kumpanda farasi huyo nitoke. Ndipo Billy akasema, “Nitaamini nitapiga simu nyumbani mara nyingine tena.” Ndipo akaenda posta kupiga simu. Nao hawa hapa wanarudi mbio, wakati maskini yule Mhindi akisimama pale, maskini . . . yule aliyekuwa na yule farasi mdogo, na kusema, “Ndugu Mack ni mahututi, naye anakuita.”

²⁸⁷ Ndipo nikatoka, nikaingia msituni na kupiga magoti. Nikasema, “Mungu mpPENDWA, huko chini kabisa, maili elfu tatu upande wa pili wa nchi hii, kwenye mkoaa wenye juu sana wa Arizona, huko Tucson, yuko ndugu yangu, naye ni mahututi. Utamsaidia?”

²⁸⁸ Kitu Fulani tu kikasema nami, “Yote ni shwari.”

²⁸⁹ Na wakati nilipomjia Ndugu Mack hivi majuzi, kuzungumza naye, na nikamwuliza, “Iltendeka saa ngapi?” ilikuwa ni saa ile ile tulipoingia katika maombi.

²⁹⁰ Loo, Yeye . . . Hivi Yeye si ni wa ajabu! Ni yeye yule jana, leo, na hata milele. Nina furaha sana kujua ya kwamba ninaishi katika Uwepo wa Mfalme.

²⁹¹ Hebu na tuinamishe vichwa vyetu sasa, na maskini ndugu wa thamani yuko hapa, ndugu mmishenari, rafiki yangu, mfuasi wa Assemblies of God, maskini ndugu wa thamani hapa. Ninamwita, “Creechy.” Alizungumza mambo mazuri sana. Ndugu Creech, ninakuita hivyo. Sijui niseme nini, wewe ni ndugu yangu na mtumishi mwenzangu katika mateso ya Yesu Kristo katika siku hii ya mwisho. Mungu na akubariki. Nami nafikiri Ndugu Tony alisema ya kamba ulikuwa utaliruhusu kusanyiko liondoke wakati huu, tunapoviinamisha vichwa vyetu. Vema, njoo.



KWA NINI ILIBIDI IWE NI MCHUNGAJI WA KONDOO SWA64-1221
(Why It Had To Be Shepherd)

Ujumbe huu uliohubiriwa na Ndugu William Marrion Branham, ultolewa hapo awali katika Kiingereza mnamo Jumatatu jioni, tarehe 21 Desemba, 1964, kwa ajili ya dhifa ya Ushirika wa Kimataifa wa Wafanyabiashara wa Full Gospel katika Hoteli ya Ramada huko Tucson, Arizona, Marekani. umetolewa kwénye kanda ya sumaku iliyorekodiwa na kuchapishwa bila kufupishwa katika Kiingereza. Tafsiri hii ya Kiswahili ilichapishwa na kusambazwa na Voice Of God Recordings.

SWAHILI

©2013 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ilani ya haki ya kunakili

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org